

PERNYATAAN MAKLUMAT SIJIL

Peserta yang dihormati,

Terima kasih kerana memilih Sijil ini. Ia merupakan suatu produk jaminan kewangan yang telah disediakan mengikut keperluan semasa Anda.

Anda akan mendapati bahawa maklumat berikut dapat membantu Anda pada masa hadapan. Ia menunjukkan peruntukan, yang mana berkenaan, di bawah Akta Perkhidmatan Kewangan Islam 2013. Semua kenyataan dan representasi (jika ada) yang Great Eastern Takaful Berhad ("Kami") buat dalam Pernyataan Maklumat Sijil ini dilakukan dengan niat ikhlas berdasarkan pengetahuan Kami yang sewajarnya sehingga Tarikh Keluaran dan Kami tidak mengaku mahupun bertanggungjawab ke atas apa jua ketepatan maklumat ini dan/atau mana-mana serta semua perubahan atau pindaan selanjutnya terhadap mana-mana undang-undang, peraturan atau amalan yang berkaitan dan menjejaskan kesahihan atau ketepatannya. Anda hendaklah sentiasa mendapatkan nasihat bebas daripada mana-mana peguam bela dan/atau peguam cara dan/atau perunding cukai untuk memastikan hak dan kelayakan Anda di bawah atau yang berhubung dengan Sijil ini sebelum membuat sebarang keputusan. Manfaat-manfaat yang dibayar di bawah sijil/produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans (TIPS) PIDM atau hubungi Great Eastern Takaful Berhad atau PIDM (layari www.pidm.gov.my).

BUKTI UMUR

Bukti umur diperlukan sebelum sebarang manfaat boleh dibayar. Tolong tunjukkan salah satu daripada dokumen asal berikut di mana-mana pejabat Kami seperti yang disenaraikan pada laman web Kami www.greateastertakaful.com.

- Kad Pengenalan
- Sijil Kelahiran
- Pasport Antarabangsa
- Sijil Kerakyatan

PENAMAAN

Jika penamaan diguna pakai dan umur Anda 16 tahun dan ke atas, Anda boleh menamakan seorang atau lebih individu untuk menerima manfaat Takaful yang akan dibayar apabila Anda meninggal dunia, sama ada sebagai seorang Wasi, atau sebagai seorang benefisiari di bawah *Hibah* Bersyarat. Borang penamaan boleh didapati di laman web Kami, atau Anda juga boleh melakukan penamaan secara dalam talian melalui portal pelanggan Kami i-Get In Touch igetintouch.greateastertakaful.com.

PERTUKARAN ALAMAT

Anda hendaklah memberitahu Kami secara bertulis berkenaan sebarang pertukaran alamat kerana ia penting bagi memastikan Anda menerima surat atau notis dan sebagainya daripada Kami. Sebarang pertukaran alamat penama Anda juga perlu diberitahu kepada Kami bagi memudahkan urusan bayaran tuntutan.

NILAI SERAHAN

Takaful Keluarga adalah keselamatan kewangan. Bila Anda mendapatkannya, Anda dinasihatkan untuk meneruskan penyertaan. Sebarang perubahan kesihatan atau keadaan mungkin bermaksud salah satu daripada dua perkara untuk Anda atau keluarga Anda:

- Anda mungkin tidak akan mendapat perlindungan Takaful Keluarga
- atau
- Anda mungkin terpaksa membuat caruman lebih untuk perlindungan yang sama

Jadi, Anda hendaklah sentiasa membuat pembayaran Caruman dengan tepat. Sijil Anda adalah harta Anda. Sekiranya Sijil diserahkan, Anda mungkin menerima kurang daripada jumlah yang Anda carum. Walau bagaimanapun, Anda boleh menyerahkan Sijil untuk nilai serahan, jika ada di bawah Sijil Anda. **Ianya mungkin tidak baik untuk menyerahkan kembali atau menggantikan Sijil Anda dengan yang baru kerana kos permulaan yang tinggi.** Sila rujuk kepada Kami dengan menelefon talian Careline Kami sebelum membuat keputusan.

PEMBAYARAN CARUMAN

Anda boleh membayar Caruman setiap tahun, setengah tahun, suku tahunan atau bulanan, mana yang paling sesuai dengan Anda dan menggunakan salah satu kaedah berikut:

(a) Kredit / Debit Kad:	Anda boleh membuat pembayaran Caruman melalui Visa atau MasterCard melalui portal Perkhidmatan e-Pembayaran kami di atas talian I-Get-In-Touch (https://igetintouch.greateastertakaful.com) dan daftarkan kad tersebut untuk pembayaran berulang.
-------------------------	--

(b) Arahan Bank:	Anda perlu membuat perjanjian yang diperlukan terlebih dahulu dengan bank Anda untuk membuat pembayaran Caruman sebelum tarikh Caruman berikutnya.
(c) Biro Perkhidmatan Angkasa:	Pilihan ini hanya terpakai jika Anda bekerja dengan badan kerajaan. Anda perlu melengkapkan dan menyerahkan borang BPA 1/79 yang asli, salinan Kad Pengenalan pencarum yang disahkan (CTC), dan salinan slip gaji terkini pencarum yang disahkan (CTC) kepada Kami untuk Kami memotong pembayaran caruman dari gaji penyumbang.
(d) GIRO / Debit Terus (DDA):	Anda perlu melengkapkan Borang Autodebit (GIRO) / Borang Kebenaran Debit Langsung (DDA) yang asal kepada Kami agar bank Anda dapat menolak pembayaran Caruman dari akaun bank Anda.
(e) Perbankan Internet:	Anda boleh membayar Caruman Anda melalui perkhidmatan pembayaran bil perbankan internet dari Malayan Banking Berhad (MBB), Public Bank Berhad (PBB), dan CIMB Bank. Pastikan pembayaran Caruman dibuat kepada Great Eastern Takaful Berhad.
(f) JomPAY:	Anda boleh membayar Caruman Anda secara dalam talian melalui perbankan Internet dan mudah alih dengan akaun semasa atau simpanan anda dengan JomPAY: Kod Biller: 16899, Ruj-1: Nombor Sijil, Ruj-2: Nombor Telefon Mudah Alih.

Tiada resit rasmi akan dikeluarkan dan semua pembayaran yang dibuat di bawah transaksi pembayaran automatik akan ditunjukkan dalam PERNYATA CARUMAN TAKAFUL KELUARGA Anda yang Kami keluarkan setiap tahun.

TEMPOH MEMERHATI BEBAS

Anda boleh membatalkan Sijil Takaful Anda dalam masa lima belas (15) hari setelah menandatangani Resit Pengakuan atau e-Pengakuan setelah menerima Sijil atau e-Sijil (yang mana berkenaan), melalui pemberitahuan bertulis kepada Kami.

Berikut akan dikembalikan kepada Anda:

- sebarang Caruman yang telah dibayar berkenaan dengan Sijil, ditolak sebarang perbelanjaan yang ditanggung bagi pemeriksaan perubatan Orang yang Dilindungi, yang mana Sijil ini hendaklah disifatkan terbatal dan liabiliti Kami di bawahnya akan terhenti.

PENYERAHAN TUNTUTAN

Untuk membuat tuntutan, sila tulis kepada Kami dengan segera atau secepat mungkin setelah berlakunya kejadian tuntutan yang sah dan serahkan semua dokumen dan borang-borang berkaitan yang diperlukan untuk tuntutan Anda di bawah Sijil ini. Borang tuntutan boleh didapati daripada laman web Kami. Bukti tuntutan mesti diterima dan diluluskan oleh Kami untuk memudahkan pembayaran sebarang manfaat.

PERTANYAAN BERKENAAN SIJIL ANDA

Anda boleh menghubungi mana-mana pejabat Kami yang tersenarai di laman web Kami di www.greateastertakaful.com atau Customer Careline Kami di 1300 13 8338 untuk sebarang pertanyaan mengenai Sijil Anda semasa waktu pejabat kami dari jam 8.30 pagi hingga 5.15 petang dengan menyatakan nombor Sijil Anda atau nombor rujukan Kami.

UNIT PERKHIDMATAN PELANGGAN

Sebarang maklum balas yang berkaitan dengan Sijil Anda boleh dibuat kepada Unit Perkhidmatan Pelanggan Kami:

Unit Perkhidmatan Pelanggan

Great Eastern Takaful Berhad, Tingkat 3, Menara Great Eastern, 303 Jalan Ampang, 50450 Kuala Lumpur.

No. Careline : 1 300 13 8338

No. Telefon : (603) 4259 8338

No. Faks : (603) 4252 7528

Emel : cfu@greateastertakaful.com

Laman Web : www.greateastertakaful.com

Sekiranya Anda tidak berpuas hati dengan respons Kami, Anda boleh merujuk kepada Ombudsman for Financial Services atau BNMLINK atau BNMTELELINK Bank Negara Malaysia.

OMBUDSMAN PERKHIDMATAN KEWANGAN atau BIRO PERKHIDMATAN PELANGGAN, BANK NEGARA MALAYSIA

Anda boleh membuat atau mengemukakan aduan Anda kepada Ombudsman for Financial Services atau BNMLINK atau BNMTELELINK Bank Negara Malaysia dalam tempoh enam (6) bulan dari keputusan Unit Perkhidmatan Pelanggan Kami. Sila hubungi Unit Perkhidmatan Pelanggan Kami untuk bantuan lebih lanjut atau jika Anda memerlukan penjelasan mengenai perkara di atas. Berikut adalah butir-butir untuk menghubungi OPK atau BNM:-

Ombudsman Perkhidmatan Kewangan

No. 14, Tingkat 14, Main Block Menara Takaful Malaysia, Jalan Sultan Sulaiman, 50000 Kuala Lumpur.

No. Telefon : (603) 2272 2811

No. Faks : (603) 2272 1577

Laman Web : www.ofs.org.my

Bank Negara Malaysia

Laman Informasi Nasihat dan Khidmat (BNMLINK) (Walk-in Customer Service Centre)

Ground Floor, D Block. Jalan Dato' Onn, 50480 Kuala Lumpur

Pusat Perhubungan (BNMTELELINK)

Corporate Communication Department, Bank Negara Malaysia, P.O. Box 10922, 50929 Kuala Lumpur

No. Telefon : 1 300 88 5465; Luar Negara: (603) 2174 1717

No. Faks : (603) 2174 1515

Borang Web : telelinkbnm.bnm.gov.my

SAMPLE

Muka surat ini sengaja ditinggalkan kosong.

SAMPLE

NOMBOR SIJIL: 403300728-9

Anda, iaitu Peserta yang dinamakan dalam Jadual Takaful A bagi sijil ini, telah bersetuju untuk menyertai sijil Takaful ini ("Sijil ini") dengan Great Eastern Takaful Berhad ("Pengendali Takaful" atau "Kami").

Sijil ini terdiri daripada:

1. Pernyataan Maklumat Sijil; dan
2. Jadual Takaful; dan
3. Hak dan Istimewa Sijil; dan
4. Aneksur (jika ada); dan
5. sebarang Endorsmen (jika ada) yang dibuat pada Tarikh Keluaran; dan
6. cadangan, permohonan dan/atau kenyataan yang dibuat oleh Anda dan/atau Orang yang Dilindungi; dan
7. Manfaat Ilustrasi; dan
8. Risalah Pemberitahuan Produk; dan

Sijil ini menyasarkan untuk menggalakkan semangat Takaful berdasarkan prinsip tanggungjawab, kerjasama dan keinginan yang sama.

Sijil ini ditandatangani pada tarikh keluaran.



Ketua Pegawai Eksekutif

Muka surat ini sengaja ditinggalkan kosong.

SAMPLE

JADUAL TAKAFUL A

JENIS PELAN: PELAN TAKAFUL KELUARGA BERTEMPOH.

i-GREAT CRITICAL CARE

JUMLAH PERLINDUNGAN ASAS	MATA WANG	UMUR HARI LAHIR BERIKUT	TARIKH PERMULAAN
RM150,000	RINGGIT MALAYSIA	36 TIDAK DISAHKAN	13/05/2024

CARUMAN ASAS

SILA RUJUK JADUAL CARUMAN DI BAWAH.

TARIKH BERKUAT KUASA	TARIKH KELUARAN
13/05/2024	13/05/2024

PEJABAT PENGENDALI TAKAFUL BAGI PEMBAYARAN CARUMAN DAN MANFAAT
MALAYSIA

KEJADIAN APABILA JUMLAH PERLINDUNGAN ASAS BOLEH DIBAYAR

APABILA ORANG YANG DILINDUNGI DIDIAGNOS DENGAN SALAH SATU PENYAKIT KRITIKAL SEBELUM TARIKH MATANG
PADA 13/05/2068.

NO SIJIL: 403300728-9
NO CADANGAN: KUL/00340/24
PESERTA & ORANG YANG DILINDUNGI:
MR AZFAR
ALAMAT : JALAN INDAH
PESERTA : 68000 AMPANG
890101-11-9087

JADUAL MANFAAT TAMBAHAN

MANFAAT TAMBAHAN/ RIDER	TARIKH AKHIR CARUMAN	TARIKH TAMAT TEMPOH	JUMLAH MANFAAT	ANEKSUR
----------------------------	-------------------------	------------------------	-------------------	---------

PERUNTUKAN KHAS / ENDORSMEN

017 (CIDEFN) 029 (T GST)

063 (NOMTRU)



TABARRU'

TABARRU' BAGI MANFAAT ASAS AKAN DITOLAK DARIPADA CARUMAN PADA KADAR PIAWAIAN YANG BOLEH DIGUNAKAN UNTUK ORANG YANG DILINDUNGI.

JADUAL CARUMAN

JENIS PELAN/MANFAAT TAMBAHAN
D CC-i-GREAT CRITICAL CARE

CARUMAN TAHUNAN
RM 414.00

TARIKH AKHIR CARUMAN
13/05/2067

Caruman untuk produk ini adalah tertakluk kepada perubahan dan berdasarkan umur hari lahir berikut Orang yang Dilindungi yang dicapai pada setiap Ulang Tahun Sijil.

HAK ISTIMEWA DAN SYARAT

GLOSARI (Fasal 1)

1. DEFINISI DAN TAFSIRAN

“**Kemalangan**” bermaksud kejadian yang menyebabkan kecederaan kepada Orang yang Dilindungi yang disebabkan semata-mata dan secara langsung oleh kemalangan, keganasan, secara luaran dan ketara yang mana bebas daripada mana-mana sebab lain (kecuali lemas atau kecederaan dalaman yang disahkan melalui autopsi) apabila terdapat kesan lebam atau luka yang ketara pada bahagian luaran badan.

“**Ulang Tahun Sijil**” bermaksud ulang tahun Tarikh Permulaan.

“**Tahun Sijil**” bermaksud tempoh yang bermula pada Tarikh Permulaan dan berakhir pada hari sebelum Ulang Tahun Sijil yang berikut melainkan Sijil itu diserahkan, luput atau matang.

“**Tarikh Permulaan**” bermaksud tarikh Sijil ini bermula seperti yang dinyatakan dalam Jadual Takaful A. Jika tarikh pengunduran diguna pakai, Tarikh Permulaan akan lebih awal daripada Tarikh Berkuat Kuasa.

“**Caruman**” bermaksud caruman seperti yang dinyatakan dalam Jadual Takaful A atau mana-mana endorsemen selanjutnya yang dikeluarkan oleh Kami.

“**Pakar Perunding Neurologi**” bermaksud seorang Pengamal Perubatan yang diperakui dalam neurologi dan seorang Fellow daripada Persatuan Neurologi sama ada di United Kingdom, Amerika, Kanada atau Australia.

“**Kejadian yang Dilindungi**” bermaksud sebarang kejadian yang dinyatakan dan ditakrifkan dalam Endorsemen No. TE017 (CIDEFN) bagi Sijil ini.

“**Diagnosis**” bermaksud diagnosis sahih yang dibuat oleh Pengamal Perubatan atau Pakar Perunding Neurologi, berdasarkan bukti tertentu, yang merujuk kepada takrif Kejadian yang Dilindungi tertentu yang terlibat atau, jika ketiadaan bukti tertentu itu, berdasarkan bukti radiologi, klinikal, histologi atau makmal yang diterima oleh Kami.

Diagnosis sedemikian mesti disokong oleh Pengamal Perubatan yang dilantik oleh Kami yang akan memberi pendapatnya berdasarkan bukti perubatan yang diserahkan oleh orang yang menuntut dan/atau sebarang bukti tambahan yang mungkin diperlukan olehnya.

“**Tarikh Berkuat Kuasa**” bermaksud tarikh perlindungan bermula seperti yang dinyatakan dalam Jadual Takaful A.

“**Kerugian/ Keuntungan Pelaburan**” bermaksud kerugian atau keuntungan yang terhasil daripada pengurusan pelaburan untuk Dana (-Dana) *Tabarru'* di dalam sekuriti dan aktiviti patuh Syariah.

“**Ju'alah**” bermaksud saguhati untuk perkhidmatan yang diberikan, dimana Peserta akan berkongsi Lebihan Pengunderaitan dengan Kami berdasarkan nisbah yang telah dipersetujui.

“**Tarikh Matang**” bermaksud tarikh perlindungan tamat seperti yang dinyatakan dalam Jadual Takaful A.

“**Pengamal Perubatan**” bermaksud pakar bedah atau pakar perubatan yang berkelayakan dan berlesen untuk mengamalkan perubatan barat dan yang, semasa memberikan rawatan tersebut, mengamalkan skop perlesenan dan latihan dalam kawasan geografi amalannya, tetapi tidak termasuk seorang doktor, pakar perubatan atau pakar bedah yang merupakan Orang yang Dilindungi itu sendiri.

“**Salah Nyata**” bermaksud definisi seperti yang dinyatakan kepadanya di bawah Akta Perkhidmatan Kewangan Islam 2013 dan termasuk salah nyata yang ikhlas, melulu atau sengaja.

“**Mudharabah**” bermaksud Kami, bertindak sebagai usahawan (Mudharib) yang menguruskan dana yang dikumpul berdasarkan mandat pelaburan dengan satu set panduan etika yang telah ditetapkan dan Peserta sebagai pemilik modal (Rabbul Mal). Sebagai balasannya, Kami akan berkongsi bahagian peratusan keuntungan pelaburan yang telah ditentukan.

“**Peserta**” bermaksud Pemilik Sijil seperti yang dinyatakan dalam Jadual Takaful A.

“**Orang yang Dilindungi**” bermaksud orang yang dilindungi di bawah Sijil ini seperti yang dinyatakan dalam Jadual Takaful A.

“**Qard**” bermaksud pinjaman tanpa faedah yang diberikan dari Kami jika Dana *Tabarru'* mengalami defisit. *Qard* tersebut akan dibayar dari Lebihan Pengunderaitan akan datang dari Dana *Tabarru'*.

“**Jumlah Perlindungan**” bermaksud jumlah perlindungan seperti yang dinyatakan dalam Jadual Takaful A atau mana-mana endorsemen selanjutnya yang dikeluarkan oleh Kami.

“**Tabarru**” bermaksud bahagian Caruman yang diperuntukkan ke dalam Dana *Tabarru'* sebagai derma yang Anda rela berikan untuk membantu dan memberikan pertolongan kepada Peserta yang memerlukan.

“**Dana Tabarru**” bermaksud sejumlah dana terkumpul yang ditubuhkan untuk tujuan perpaduan dan kerjasama di antara Peserta-Peserta dalam Dana *Tabarru'* untuk peristiwa musibah (pembayaran tuntutan).

“**Pengendali Takaful**” atau “**Kami**” bermaksud Great Eastern Takaful Berhad 201001032332 (916257-H).

“**Caruman Keseluruhan Dibayar**” bermaksud jumlah keseluruhan Caruman dibayar yang dikira daripada Tarikh Permulaan sehingga tarikh kejadian tuntutan, menggunakan caruman semasa dan bukan caruman permulaan (sekiranya berlaku pengurangan Jumlah Perlindungan).

“**Tempoh Menunggu Jenis I**” yang hanya digunakan untuk Kejadian yang Dilindungi Kategori I bermaksud enam puluh (60) hari pertama dari Tarikh Berkuat Kuasa Sijil ini.

“**Tempoh Menunggu Jenis II**” yang hanya digunakan untuk Kejadian yang Dilindungi Kategori II bermaksud tiga puluh (30) hari pertama dari Tarikh Berkuat Kuasa Sijil ini.

“**Tabarru' yang Belum Luput**” bermaksud bahagian *Tabarru'* yang akan dikembalikan bagi baki bulanan selepas penyerahan.

“**Lebih Pengunderaitan**” bermaksud lebih dalam Dana *Tabarru'* selepas tolakan tuntutan dan untuk tujuan simpanan, jika ada.

“**Tempoh Menunggu**” bagi sebarang Kejadian yang Dilindungi merujuk kepada Tempoh Menunggu Jenis I jika Kejadian yang Dilindungi dikelaskan di bawah Kejadian yang Dilindungi Jenis I atau Tempoh Menunggu Jenis II jika Kejadian yang Dilindungi dikelaskan di bawah Kejadian yang Dilindungi Jenis II.

“**Wakalah**” bermaksud caj yang dikenakan untuk membayar perbelanjaan pentadbiran berdasarkan prinsip *Wakalah bi al-ujrah* (atau “**Caj Pendahuluan**” atau “**Caruman yang Tidak Diperuntukkan**”): caj yang dikenakan terdahulu mengikut peratusan Caruman yang dibayar di mana Anda melantik Kami untuk mengurus Dana *Tabarru'*. Amaun tersebut akan ditolak daripada Dana *Tabarru'*.

“**Anda**” merujuk Peserta yang dinamakan dalam Jadual Takaful A.

Jika tidak diberi secara khusus, tafsiran berikut akan digunakan pada Sijil ini:

- 1.1 Mana-mana rujukan kepada satu “hari perniagaan” adalah satu hari (yang bukan hari Sabtu, Ahad atau Cuti Umum di Kuala Lumpur, Malaysia) yang mana Ibu Pejabat Kami dibuka untuk perniagaan di Malaysia dan mana-mana rujukan kepada satu “hari”, “minggu”, “bulan” atau “tahun” adalah hari, minggu, bulan atau tahun yang menurut kalendar Gregorian.
- 1.2 Semua jadual, aneksur, endorsmen, dan lampiran pada Sijil ini akan membentuk sebahagian daripada Sijil ini. Jika terdapat sebarang konflik atau percanggahan di antara jadual dengan mana-mana peruntukan Sijil ini yang dinyatakan di dalam Hak Istimewa dan Syarat, terma dan syarat dalam Hak Istimewa dan Syarat Sijil ini akan mengatasinya.
- 1.3 Sebarang rujukan pada maskulin adalah termasuk feminin, dan begitu juga, perkataan tunggal akan termasuk perkataan jamak dan begitu juga sebaliknya, melainkan dinyatakan sebaliknya.

ASAS KONTRAK (Fasal 2)

2. SIJIL TAKAFUL

2.1 Sijil ini dikeluarkan atas pertimbangan pembayaran Caruman yang telah diterima oleh Kami dan menurut kepada:

2.1.1 jawapan yang disediakan oleh Anda dan/atau Orang yang Dilindungi dalam permohonan Anda atau Cadangan untuk Takaful Keluarga (“Cadangan”) atau sebarang soal selidik selanjutnya yang disediakan oleh Kami berkenaan sebarang perkara berkaitan Cadangan Anda dan sebarang pendedahan yang Anda lakukan sepanjang waktu penghantaran sehingga Sijil Takaful ini berkuat kuasa; dan

2.1.2 sebarang laporan serta soal selidik lain;
(secara kolektif dirujuk sebagai “Maklumat Penting”)

Maklumat Penting tersebut akan membentuk sebahagian daripada kontrak Takaful ini antara Kami dan Anda. Namun, jika sebarang salah nyata dilakukan sebelum kontrak dibuat berhubung dengan Maklumat Penting tersebut, remedi dalam Jadual 9 Akta Perkhidmatan Kewangan Islam 2013 akan digunakan.

- 2.2 Ia merupakan tanggungjawab Anda untuk mengambil langkah yang munasabah untuk tidak melakukan sebarang Salah Nyata semasa menjawab soalan atau mengesahkan atau meminda sebarang perkara yang telah didedahkan sebelumnya sebelum Sijil ini diperbaharui atau diubah.
- 2.3 Anda mestilah memaklumkan kepada Kami berkenaan sebarang perubahan maklumat yang diberi dalam jawapan Anda atau berhubung sebarang perkara yang telah didedahkan sebelumnya kepada Kami jika perubahan tersebut berlaku selepas Anda menghantar permohonan untuk pembaharuan atau pengubahan tetapi sebelum Sijil ini diperbaharui atau diubah.
- 2.4 Sijil ini boleh diubah dengan keizinan secara bertulis oleh Ketua Pegawai Eksekutif Kami atau mana-mana individu yang dilantik oleh Lembaga Pengarah Kami dengan memberi peruntukan atau Endorsmen ("Dokumen") pada Sijil ini. Sebarang perubahan selanjutnya terhadap Sijil ini akan diberitahu kepada anda dengan pemberitahuan secara bertulis dan sesuai dengan klausa "Pemberitahuan dan Surat Menyurat" di bawah.

HUBUNGAN KONTRAK ANTARA ANDA DAN KAMI (Fasal 3)

3. WAKALAH

- 3.1 Anda bersetuju untuk melantik dan memberi kuasa kepada Kami untuk menguruskan pelan Takaful ini dan melabur Dana *Tabarru'*. Kami diberi kuasa untuk melaksanakan perniagaan Takaful mengikut prinsip Syariah, keperluan undang-undang dan peraturan serta terma yang dinyatakan di sini. Sebagai balasan kepada tugas yang akan dilaksanakan dan berdasarkan prinsip *Wakalah bi al-ujrah*, Anda bersetuju untuk membayar Caj Pendahuluan kepada Kami.
- 3.2 Atas keadaan yang akan dianggap sebagai salah urus, kecuaiian atau pelanggaran terma yang ditetapkan, Kami akan bertanggungjawab dan akan membayar pampasan bagi kerugian atau kerosakan termasuk apa-apa kos sebenar yang ditanggung oleh Anda.
- 3.3 Kontrak *Wakalah* akan dibubarkan apabila matang, penamatan disebabkan penyerahan atau sebarang keadaan seperti yang dinyatakan di bawah Fasal 8. Kami berhak menerima Caj Pendahuluan untuk perkhidmatan yang diberikan.
- 3.4 Bagi mengelakkan keraguan, salah urus dan kecuaiian adalah seperti tetapi tidak terhad kepada yang berikut:
 - 3.4.1 Kurang pendedahan mengenai risiko pelaburan yang ditanggung oleh Anda;
 - 3.4.2 Tidak mengikut strategi pelaburan atau pelaksanaan yang tidak selaras dengan polisi yang diluluskan;
 - 3.4.3 Strategi pelaburan yang diguna oleh Kami tidak konsisten dengan strategi yang telah dipersetujui oleh Anda ketika menyertai Sijil; dan
 - 3.4.4 Maklumat yang mengelirukan yang dinyatakan dalam Risalah Pemberitahuan Produk.

CARUMAN DAN CAJ (Fasal 4 - 7)

4. CARUMAN

- 4.1 Caruman akan diperuntukkan ke dalam Dana *Tabarru'*. Caruman boleh meningkat oleh Anda berdasarkan umur hari lahir berikut Orang yang Dilindungi yang dicapai pada setiap Ulang Tahun Sijil.
- 4.2 Caruman mesti dibayar kepada Kami pada atau sebelum setiap tarikh Caruman perlu dibayar.
- 4.3 Sekiranya Caruman tidak dibayar semasa Sijil ini berkuat kuasa, Sijil ini akan luput dengan segera selepas tamat tempoh tenggang.
- 4.4 Jika suatu tuntutan telah dibenarkan menurut Fasal 15.1.1 di bawah, caruman Sijil ini akan kekal tidak berubah, sama seperti sebelum tuntutan tersebut yang dinyatakan didalam Jadual Caruman didalam Jadual Takaful A, mengikut kes yang berkenaan.

5. CAJ PENDAHULUAN

- 5.1 Caj Pendahuluan adalah caj di atas Caruman, dibayar terdahulu daripada Dana *Tabarru'* dan

- digunakan untuk memenuhi kos pengagihan langsung Kami dan perbelanjaan pengurusan.
- 5.2 Jika Caruman dibayar secara tahunan, setengah tahun atau suku tahun dan sekiranya Sijil ini diserahkan atau ditamatkan disebabkan oleh sebarang peruntukan sebelum tarikh Caruman berikutnya, Caj Pendahuluan (selain daripada Caj Pendahuluan bagi tahun pertama) yang ditolak perbelanjaan sebenar akan dikembalikan.
- 5.3 Perbelanjaan pengurusan termasuk Duti Setem sebanyak Ringgit Malaysia sepuluh (RM10).

6. **TABARRU'**

- 6.1 Kami akan menolak *Tabarru'* daripada Caruman berdasarkan mod bayaran yang dipilih pada permulaan setiap Caruman.
- 6.2 Jumlah *Tabarru'* bersamaan dengan baki caruman yang dibayar selepas Caj Pendahuluan akan diletakkan ke dalam Dana *Tabarru'* menggunakan formula yang berikut:
$$\text{Tabarru}' = \text{Caruman yang Dibayar} \times \text{Kadar Peruntukan}$$

7. **VARIASI CARUMAN DAN CAJ-CAJ LAIN**

Kami boleh mengubah Caruman dan caj-caj lain ("Kadar dan Caj") di bawah Sijil ini dengan memberi notis bertulis sekurang-kurangnya tiga (3) bulan terlebih dahulu ("Tempoh Pemberitahuan") kepada Anda menurut Fasal 'Notis dan Surat-Menyurat'. Sebarang semakan sama ada untuk menaikkan atau menurunkan Kadar dan Caj akan berkuat kuasa pada Hari Ulang Tahun Sijil sejeurus selepas berakhirnya Tempoh Pemberitahuan, kecuali dan sebaliknya, anda tidak bersetuju secara bertulis dan memberitahu Kami dalam Tempoh Pemberitahuan mengenai niat Anda untuk menyerahkan atau menamatkan Sijil ini.

LUPUT DAN PENGUATKUASAAN SEMULA (Fasal 8 - 9)

8. **TEMPOH TENGGANG DAN LUPUT**

- 8.1 Anda dibenarkan untuk membayar Caruman selanjutnya di bawah Sijil ini sehingga tiga puluh (30) hari dari setiap tarikh Caruman perlu dibayar ("Tempoh Tenggang").
- 8.2 Jika suatu tuntutan berlaku dalam Tempoh Tenggang, sebarang jumlah hutang di bawah Sijil ini akan ditolak dari bayaran tuntutan yang boleh dibayar kepada Anda.
- 8.3 Apabila tamat Tempoh Tenggang, Sijil ini akan luput.

9. **PENGUATKUASAAN SEMULA**

- 9.1 Jika Sijil ini ditamatkan akibat luput, Anda boleh memohon penguatkuasaan semula Sijil ini, dalam tempoh tiga (3) bulan dari tarikh penamatan, dan tertakluk kepada syarat berikut:
- 9.1.1 permohonan bertulis Anda bagi penguatkuasaan semula telah diterima oleh Kami;
- 9.1.2 Orang yang Dilindungi dalam lingkungan umur seperti ditentukan oleh Kami semasa penguatkuasaan semula;
- 9.1.3 justifikasi Anda untuk dilindungi adalah memuaskan dan diterima oleh Kami;
- 9.1.4 Anda mesti membayar semua caruman yang belum dibayar kepada Kami; dan
- 9.1.5 sebarang syarat lain yang dikenakan oleh Kami.
- 9.2 Kami akan meluluskan, menolak atau mengenakan syarat tambahan secara bertulis ke atas permohonan Anda bagi penguatkuasaan semula.
- 9.3 Jika terdapat sebarang Salah Nyata dilakukan dalam permohonan Anda untuk penguatkuasaan semula dan Sijil ini telah berkuat kuasa selama dua (2) tahun atau kurang dari tarikh sebarang penguatkuasaan semula, Kami boleh membatalkan Sijil, jika Salah Nyata yang dilakukan diklasifikasikan seperti berikut:-
- 9.3.1 Salah Nyata sengaja atau melulu;
- 9.3.2 Salah Nyata cuai atau ikhlas, di mana Kami tidak akan menguatkuasakan semula Sijil ini; atau
- 9.3.3 Salah Nyata cuai atau ikhlas, di mana Kami akan menguatkuasakan semula Sijil ini.
- 9.4 Jika terdapat sebarang Salah Nyata dilakukan dalam permohonan Anda untuk penguatkuasaan semula dan Sijil ini telah berkuat kuasa melebihi dua (2) tahun dari tarikh sebarang

penguatkuasaan semula, Kami boleh membatalkan Sijil, jika Salah Nyata yang dilakukan diklasifikasikan sebagai sengaja atau melulu, di mana Kami tidak akan menguatkuasakan semula Sijil ini.

- 9.5 Jika Sijil ini menjadi tidak sah atau batal menurut Fasal 9.4 di atas, tanggungjawab Kami terhadap kepada pembayaran balik Caj Pendahuluan ditolak sebarang hutang di bawah Sijil ini. Keuntungan Pelaburan dan/atau Lebihan Pengunderaitan, jika ada, akan disalurkan kepada mana-mana pertubuhan kebajikan yang diluluskan oleh Jawatankuasa Syariah Kami.

PILIHAN SIJIL (Fasal 10 - 11)

10. PENAMBAHAN/PENGURANGAN JUMLAH PERLINDUNGAN

Sebarang penambahan dalam Jumlah Perlindungan adalah tidak dibenarkan tetapi Anda boleh mengurangkan Jumlah Perlindungan tertakluk kepada syarat berikut dan syarat lain yang mungkin dikenakan oleh Kami:

- 10.1 Anda boleh mengurangkannya pada bila-bila masa tertakluk kepada caruman minimum dan mestilah dalam had Jumlah Perlindungan yang ditentukan oleh Kami;
- 10.2 Pengurangan Jumlah Perlindungan akan berkuat kuasa dari tarikh Caruman berikutnya perlu dibayar; dan
- 10.3 Caruman akan berkurang apabila berlaku pengurangan dalam Jumlah Perlindungan. Perubahan dalam Caruman akan berkuat kuasa apabila pengurangan dalam Jumlah Perlindungan berkuat kuasa.

11. SERAHAN

Anda boleh menyerahkan Sijil ini dan Kami akan memulangkan yang berikut:

- 11.1 Caj Pendahuluan yang belum diperolehi daripada dana Kami (selain daripada Caj Pendahuluan bagi tahun pertama). Sekiranya Sijil diserahkan sebelum tarikh Caruman berikutnya perlu dibayar dan apabila Caruman dibayar secara tahunan, setengah tahunan atau suku tahunan, Caj Pendahuluan setelah ditolak perbelanjaan sebenar akan dikembalikan; dan
- 11.2 *Tabarru'* yang belum luput daripada Dana *Tabarru'*. Sekiranya Sijil diserahkan sebelum tarikh Caruman berikutnya perlu dibayar dan apabila Caruman dibayar secara tahunan, setengah tahunan atau suku tahunan, jumlah *Tabarru'* yang dipulangkan adalah bersamaan dengan peratusan caruman *Tabarru'* berdasarkan tempoh Sijil yang telah dikuatkuasakan dan mod pembayaran caruman.

Tempoh Tidak Melebihi	Pemulangan Tahunan Caj <i>Tabarru'</i>	Pemulangan Setengah Tahunan Caj <i>Tabarru'</i>	Pemulangan Suku Tahunan Caj <i>Tabarru'</i>	Pemulangan Bulanan Caj <i>Tabarru'</i>
1 bulan	90%	85%	65%	Tiada Pemulangan
2 bulan	85%	65%	35%	Tiada Pemulangan
3 bulan	75%	50%	Tiada Pemulangan	Tiada Pemulangan
4 bulan	65%	35%	65%	Tiada Pemulangan
5 bulan	60%	15%	35%	Tiada Pemulangan
6 bulan	50%	Tiada Pemulangan	Tiada Pemulangan	Tiada Pemulangan
7 bulan	40%	85%	65%	Tiada Pemulangan
8 bulan	35%	65%	35%	Tiada Pemulangan
9 bulan	25%	50%	Tiada Pemulangan	Tiada Pemulangan
10 bulan	15%	35%	65%	Tiada Pemulangan
11 bulan	10%	15%	35%	Tiada Pemulangan
>11 bulan	Tiada Pemulangan	Tiada Pemulangan	Tiada Pemulangan	Tiada Pemulangan

Sijil ini akan ditamatkan setelah pembayaran nilai serahan tersebut dibuat dan semua manfaat dan hak di bawah Sijil ini akan terhenti.

PERUNTUKAN DANA TAKAFUL (Fasal 12 - 14)

12. DANA TABARRU'

- 12.1 Berdasarkan konsep Syariah bagi *Tabarru'*, Anda akan mendermakan sebahagian dari Caruman ke dalam Dana *Tabarru'* untuk tujuan tolong menolong. Dana *Tabarru'* yang dimiliki oleh kumpulan Peserta-peserta dan diuruskan oleh Kami untuk tujuan pembayaran tuntutan manfaat yang dilindungi di bawah Sijil ini.
- 12.2 Berdasarkan kontrak Syariah *Mudharabah*, Anda sebagai pemilik modal melantik Kami sebagai pengusaha untuk menjalankan aktiviti pelaburan patuh Syariah untuk Dana *Tabarru'* bagi pihak Anda. Sebagai balasannya, Kami akan berkongsi bahagian peratusan keuntungan pelaburan yang telah ditentukan. Kami sebagai pengusaha tidak dapat menjamin jumlah prinsipal dan jangkaan keuntungan dari pelaburan tersebut.
- 12.3 Sekiranya terdapat defisit atau kerugian dalam Dana *Tabarru'* disebabkan oleh salah urus atau kecuaiannya Kami, Kami akan membuat pemindahan langsung untuk membetulkan defisit atau kerugian, jika berkenaan.

13. LEBIHAN PENGUNDERAITAN

- 13.1 Lebihan Pengunderaitan dikira dan diagihkan selepas setiap tahun kewangan.
- 13.2 Sebarang Lebihan Pengunderaitan yang diagihkan itu ditentukan setelah sebahagian yang sesuai darinya, disimpan untuk tujuan kecemasan sebelum ia dikongsi antara Anda dan Kami masing-masing dengan kadar lima-puluh peratus (50%) dan lima-puluh peratus (50%). Kami berhak mendapat Lebihan Pengunderaitan berdasarkan kontrak *Ju'alah*. Bahagian Anda daripada Lebihan Pengunderaitan akan dikreditkan ke dalam akaun bank Anda.
- 13.3 Sebarang jumlah Lebihan Pengunderaitan yang tidak diguna pakai, yang disimpan untuk tujuan kecemasan, akan dimasukkan ke dalam pengiraan Lebihan Pengunderaitan untuk tahun kewangan seterusnya.
- 13.4 Lebihan Pengunderaitan (jika ada) tidak akan diagihkan jika Kami menilai bahawa lebihan yang ada harus dibiarkan di dalam Dana *Tabarru'* bagi mengekalkan keupayaannya untuk menampung hutang akan datang atau memenuhi jangkaan Anda yang berpatutan yang mana tidak disediakan secara khusus dalam nilai aktuari Kami.
- 13.5 Sekiranya terdapat defisit dari Dana *Tabarru'*, tiada agihan Lebihan Pengunderaitan pada tahun kewangan tersebut. Di dalam keadaan tersebut, defisit itu akan dibiayai daripada jumlah yang diperuntukkan untuk tujuan kecemasan dahulu. Jika Dana *Tabarru'* masih lagi mengalami defisit, *Qard* akan diatitkan. *Qard* akan dibawa ke hadapan ke tahun kewangan berikutnya dan sebarang lebihan akan digunakan untuk melunaskan *Qard* (jika ada) kepada Kami sebelum ianya diagihkan.

14. KEUNTUNGAN/KERUGIAN PELABURAN

- 14.1 Sebarang Keuntungan Pelaburan atau Kerugian Pelaburan, daripada Dana *Tabarru'* akan dikira dan diagihkan setiap tahun, selepas setiap tahun kewangan.
- 14.2 Sebarang Keuntungan Pelaburan daripada Dana *Tabarru'*, jika ada, akan dikongsi antara Anda dan Kami dengan kadar lima-puluh peratus (50%) dan lima-puluh peratus (50%) masing-masing. Jumlah yang diperuntukkan kepada Anda akan dikreditkan ke dalam akaun bank Anda.
- 14.3 Sebarang Kerugian Pelaburan di dalam Dana *Tabarru'* akan dibawa ke hadapan dan akan diambil kira sebelum dimasukkan dalam pengiraan Lebihan Pengunderaitan (atau defisit) pada tahun kewangan seterusnya.

MANFAAT DAN SYARAT SIJIL (Fasal 15 - 16)

15. MANFAAT KEJADIAN YANG DILINDUNGI

- 15.1 Semasa Sijil ini berkuat kuasa dan tertakluk kepada terma dan syarat, bila penerimaan dan kelulusan bukti-bukti seperti bil asal, resit dan/atau bukti lain yang memuaskan diterima dan diluluskan bahawa Orang yang Dilindungi telah didiagnosis dengan Kejadian yang Dilindungi

selepas Tempoh Menunggu, Kami akan membayar manfaat berikut:

- 15.1.1 10% daripada Jumlah Perlindungan (“Jumlah Perlindungan Pendahuluan Terhad”), bagi Angioplasti dan Rawatan Pembedahan Lain untuk Penyakit Arteri Koronari Utama, tertakluk kepada maksimum sebanyak RM25,000 ke atas Orang yang Dilindungi. Selepas pembayaran manfaat ini, jumlah tersebut akan ditolak daripada Jumlah Perlindungan bagi Sijil ini, seterusnya mengurangkan Jumlah Manfaat yang boleh dibayar di dalam ini (“Jumlah Perlindungan Dikurangkan”).
- 15.1.2 100% daripada Jumlah Perlindungan atau Jumlah Perlindungan untuk Kejadian yang Dilindungi lain (tidak termasuk Angioplasti dan Rawatan Pembedahan Lain untuk Penyakit Arteri Koronari Utama), mana yang berkenaan.
- 15.2 Jika Kejadian yang Dilindungi berlaku sebelum Ulang Tahun Sijil apabila Orang yang Dilindungi mencapai umur lima (5) tahun hari lahir berikutnya, Jumlah Perlindungan akan disemak semula mengikut jadual di bawah:

<u>Umur Hari Lahir Berikutnya pada Ulang Tahun Sijil sebelum Kejadian yang Dilindungi</u>	<u>Jumlah Perlindungan yang Disemak Semula</u>
1	20% daripada Jumlah Perlindungan
2	40% daripada Jumlah Perlindungan
3	60% daripada Jumlah Perlindungan
4	80% daripada Jumlah Perlindungan

Sebagai tambahan, jika kematian berlaku sebelum Ulang Tahun Sijil pertama akibat Kemalangan, umur hari lahir berikut Orang yang Dilindungi pada Tarikh Permulaan akan digunakan untuk menentukan Jumlah Perlindungan yang Disemak Semula yang boleh dibayar oleh Kami.

- 15.3 Jika Jumlah Perlindungan yang boleh dibayar di bawah Fasal 15.1.1 adalah disemak semula berdasarkan Fasal 15.2 di atas, manfaat keseluruhan yang boleh dibayar selanjutnya di bawah Sijil ini akan dikurangkan mengikut kuantum Jumlah Perlindungan yang dikira mengikut Fasal 15.1.1 di atas, tanpa sebarang semakan semula.

Dengan syarat:

- 15.4 Tiada manfaat dibayar untuk sebarang Kejadian yang Dilindungi bagi:
- 15.4.1 sebarang keadaan yang sedia wujud atau telah didiagnosis
- 15.4.1.1 semasa Tempoh Menunggu; atau
- 15.4.1.2 selepas Tempoh Menunggu tamat tetapi berkaitan dengan sesuatu keadaan yang sedia wujud atau telah didiagnosis semasa Tempoh Menunggu; atau
- 15.4.2 tanda dan gejala yang sedia wujud sebelum atau semasa Tempoh Menunggu yang mungkin menyebabkan seseorang yang berfikiran waras untuk mendapat penjagaan atau perhatian perubatan, walaupun keputusan diagnosis mungkin berlaku sebelum atau selepas Tempoh Menunggu tamat.
- 15.5 Tuntutan bagi sesuatu Kejadian yang Dilindungi seperti dihuraikan dalam Fasal 15.4.1 dan/atau Fasal 15.4.2 di atas tidak akan diterima semata-mata kerana pemberitahuan tuntutan tersebut telah diberi kepada Kami selepas Tempoh Menunggu tamat.
- 15.6 Selain daripada tuntutan bagi Angioplasti dan Rawatan Pembedahan Lain untuk Penyakit Arteri Koronari Utama seperti dinyatakan dalam Fasal 15.1.1 dan Fasal 15.1.2 di atas, jika ada, Jumlah Perlindungan hanya akan dibayar sekali sahaja walaupun Orang yang Dilindungi mungkin mengalami pelbagai Kejadian yang Dilindungi.
- 15.7 Anda mesti memberitahu Kami secara bertulis mengenai sebarang Kejadian yang Dilindungi yang berlaku dengan secepat yang mungkin, jika tidak Kami tidak akan bertanggungjawab ke atas Kejadian yang Dilindungi itu.
- 15.8 Kejadian yang Dilindungi mesti didiagnosis oleh Pengamal Perubatan yang berdaftar dan mesti disokong dengan bukti klinikal, radiologi, histologi dan makmal yang diterima oleh Kami; semua bukti perubatan tersebut mesti diberi atas perbelanjaan orang yang menuntut, dan di dalam bentuk yang diperlukan oleh Kami.
- 15.9 Jika dikehendaki oleh Kami, Orang yang Dilindungi mesti menjalani pemeriksaan perubatan oleh Pengamal Perubatan yang dilantik oleh Kami berhubung dengan Kejadian yang Dilindungi bagi sesuatu tuntutan yang telah dibuat.
- 15.10 Sijil ini akan ditamatkan secara automatik pada mana-mana tarikh berikut yang paling awal sekiranya salah satu daripada kejadian berikut berlaku:

- 15.10.1 jika sesuatu tuntutan di bawah Fasal 15 seperti yang dinyatakan diatas diterima (selain daripada Angioplasti dan Rawatan Pembedahan Lain untuk Penyakit Arteri Koronari Utama); atau
 - 15.10.2 ketika kematian Orang yang Dilindungi; atau
 - 15.10.3 jika Kami menerima permintaan Anda secara bertulis untuk penamatan; atau
 - 15.10.4 pada Tarikh Matang; atau
 - 15.10.5 jika Sijil luput, terbatal, diserahkan atau ditamatkan dengan cara lain.
- 15.11 Jumlah Perlindungan akan dibayar daripada Dana *Tabarru'* dan adalah dijamin.

16. PENGECUALIAN

Kami tidak akan membayar sebarang manfaat di bawah Sijil ini jika Kejadian yang Dilindungi bagi Orang yang Dilindungi:

- 16.1 sedia wujud pada Tarikh Berkuat Kuasa; atau
- 16.2 disebabkan secara langsung atau tidak langsung oleh kecederaan yang dilakukan sendiri, sama ada waras atau tidak; atau
- 16.3 disebabkan Orang yang Dilindungi melakukan, mencuba atau membangkitkan keganasan atau feloni atau sebarang pelanggaran undang-undang oleh Orang yang Dilindungi; atau
- 16.4 disebabkan oleh peperangan, sama ada diisytiharkan atau tidak; atau
- 16.5 disebabkan secara langsung atau tidak langsung oleh kewujudan Sindrom Kurang Daya Tahan (AIDS) atau dengan adanya sebarang jangkitan Virus Infeksi Manusia (HIV). Kami berhak untuk menghendaki Orang Dilindungi untuk menjalani ujian darah untuk HIV sebagai syarat terdahulu untuk menerima apa-apa tuntutan. Pengecualian adalah apabila HIV akibat pemindahan darah seperti yang ditakrifkan dalam Sijil ini. Untuk tujuan Sijil ini, jangkitan akan dianggap telah berlaku di mana darah atau ujian(-ujian) lain yang relevan menunjukkan pada pendapat Kami sama ada kehadiran HIV atau antibodi kepada virus tersebut; atau
- 16.6 disebabkan secara langsung atau tidak langsung, daripada kecacatan atau penyakit kongenital, yang dinyatakan atau didiagnosis sebelum Orang yang Dilindungi mencapai usia tujuh belas (17) tahun; atau
- 16.7 didiagnosis, dan Orang yang Dilindungi hidup kurang daripada tujuh (7) hari selepas hari diagnosis.

PERUNTUKAN LAIN (Fasal 17 - 28)

17. PENGESAHAN UMUR

- 17.1 Anda mesti membuktikan umur sebenar Orang yang Dilindungi kepada Kami sebelum Kami boleh membayar sebarang manfaat di bawah Sijil ini melainkan maklumat ini telah dipastikan dan disahkan sebelum itu oleh Kami sebagai betul.
- 17.2 Kami berhak untuk mengubah jumlah perlindungan, dan lebihan atau keuntungan yang diperuntukkan, atau mengurangkan caruman, di bawah Sijil ini, berdasarkan umur sebenar Orang yang Dilindungi sekiranya ia telah dinyatakan salah dalam borang cadangan takaful keluarga.

18. KEPENTINGAN BOLEH LINDUNG TAKAFUL

- 18.1 Sekiranya perlindungan Takaful diberikan kepada Orang yang Dilindungi selain diri Anda, Anda hendaklah mempunyai Kepentingan Boleh Lindung Takaful ke atas Orang yang Dilindungi pada masa kontrak Takaful itu dibuat dan pada masa manfaat Takaful dibayar.
- 18.2 Bagi tujuan Fasal ini, Anda hendaklah disifatkan sebagai mempunyai suatu Kepentingan Boleh Lindung Takaful ke atas Orang yang Dilindungi sekiranya Orang yang Dilindungi itu adalah:
 - 18.2.1 suami atau isteri atau anak Anda;
 - 18.2.2 seseorang di bawah jagaan Anda di bawah umur dewasa pada masa Anda membuat kontrak Takaful ini;
 - 18.2.3 pekerja Anda; atau
 - 18.2.4 seseorang yang bergantung kepada Anda sepenuhnya atau sebahagiannya bagi saraan atau pendidikan pada masa dia membuat kontrak Takaful ini.

19. SIJIL MATANG

Sijil ini akan ditamatkan pada Tarikh Matang dan semua manfaat dan hak di bawah Sijil ini akan terhenti.

20. TIDAK BOLEH DIPERTIKAIKAN

- 20.1 Kami tidak akan mempertikaikan kesahihan Sijil ini dalam sepanjang hidup Orang yang Dilindungi selepas dua (2) tahun dari Tarikh Berkuat Kuasa atau tarikh penguatkuasaan semula Sijil ini, mana yang kemudian, melainkan terdapat penipuan.
- 20.2 Jika Sijil ini menjadi tidak sah atau batal atas apa jua sebab (kecuali sebab yang dinyatakan dalam Fasal 18 di atas), tanggungjawab Kami terhad kepada pembayaran balik Caj Pendahuluan yang belum diperolehi daripada Anda ditolak sebarang hutang di bawah Sijil ini. Keuntungan Pelaburan dan/atau Lebihan Pengunderaitan, jika ada, akan disalurkan kepada mana-mana pertubuhan kebajikan yang diluluskan oleh Jawatankuasa Syariah Kami.

21. REMEDI UNTUK SALAH NYATA

- 21.1 Fasal ini hanya digunakan jika tempoh Sijil ini adalah dua (2) tahun atau kurang dari Tarikh Berkuat Kuasa.
- 21.2 Sebarang Salah Nyata yang dilakukan oleh Anda di bawah Sijil ini sebelum kontrak dibuat akan diklasifikasikan sebagai:
- 21.2.1 sengaja atau melulu; atau
- 21.2.2 cuai atau ikhlas.
- 21.3 Sekiranya pernyataan dan/atau perisytiharan daripada Orang yang Dilindungi adalah tidak tepat, palsu atau mengelirukan dan pernyataan dan/atau perisytiharan tersebut adalah perkara material dan fakta material yang ditindas atau dibuat secara palsu atau ditinggalkan untuk dibuat, Kami boleh:
- 21.3.1 membatalkan Sijil ini dan menolak semua tuntutan di bawah Salah Nyata yang sengaja atau melulu, yang mana, tanggungjawab Kami terhad kepada pembayaran balik Caj Pendahuluan yang belum diperolehi ditolak sebarang hutang di bawah Sijil ini. Keuntungan Pelaburan dan/atau Lebihan Pengunderaitan, jika ada, akan disalurkan kepada mana-mana pertubuhan kebajikan yang diluluskan oleh Jawatankuasa Syariah Kami; atau
- 21.3.2 bagi Salah Nyata cuai atau ikhlas, Kami boleh:
- 21.3.2.1 membatalkan Sijil ini dan menolak semua tuntutan, yang mana Kami akan membuat pembayaran balik perkara yang berikut, jika ada:
- 21.3.2.1.1 Caj Pendahuluan yang belum diperolehi;
- 21.3.2.1.2 *Tabarru'* (tidak termasuk Lebihan Pengunderaitan, jika ada); dan
- 21.3.2.1.3 Keuntungan Pelaburan; ditolak sebarang hutang di bawah Sijil ini. Lebihan Pengunderaitan, jika ada, akan disalurkan kepada mana-mana pertubuhan kebajikan yang diluluskan oleh Jawatankuasa Syariah Kami; atau
- 21.3.2.2 memasuki atau memperbaharui Sijil ini dengan terma dan syarat yang berbeza.

22. NOTIS SERAH HAK

Notis serah hak secara bertulis atau gadaian pada Sijil ini dianggap telah diberitahu kepada Kami, jika ia diserahkan kepada Kami di Pejabat Kami dan Kami telah memberi pengakuan secara bertulis. Dengan notis pengakuan itu, Kami tidak akan bertanggungjawab ke atas kesahihan sebarang serah hak atau gadaian.

23. PERTUKARAN PENAMA

Anda boleh membuat pertukaran penamaan Anda dengan memberitahu Kami secara bertulis. Pertukaran akan berkuat kuasa dari tarikh Kami menerima notis bertulis daripada Anda.

24. PENERIMAAN ARAHAN

Kami hanya akan menerima arahan, permintaan atau notis apabila borang, dokumen, maklumat dan persetujuan seperti yang dikehendaki oleh Kami, telah diterima.

25. KEDIAMAN, PEKERJAAN DAN PERJALANAN

Sijil ini bebas daripada sekatan yang berhubung dengan kediaman, pekerjaan dan perjalanan.

26. NOTIS DAN SURAT-MENYURAT

- 26.1 Sebarang notis, permintaan, arahan atau surat-menyurat kepada Kami dan Anda hendaklah dibuat secara bertulis. Alamat surat-menyurat, alamat e-mel atau nombor telefon bimbit adalah seperti yang dinyatakan dalam borang cadangan takaful keluarga melainkan terdapat sebarang makluman perubahan kepada Kami.
- 26.2 Sebarang notis, permintaan, arahan atau surat-menyurat yang diberi oleh Kami kepada Anda hendaklah dianggap sebagai telah diterima secara muktamad bagi yang berikut:
- 26.2.1 untuk serahan sendiri, pada hari serahan;
 - 26.2.2 untuk pos biasa atau pos berdaftar pra-bayar, tujuh (7) hari selepas tarikh pos, untuk pos ke suatu alamat di Malaysia, dan empat belas (14) hari, jika pos ke alamat luar dari Malaysia;
 - 26.2.3 untuk penghantaran melalui e-mel atau perkhidmatan pesanan ringkas, pada hari ia dihantar;
 - 26.2.4 untuk penerbitan dalam surat khabar harian tempatan, pada hari ia diterbitkan; atau
 - 26.2.5 untuk dimuat naik dalam laman sesawang rasmi Kami atau laman sesawang lain, hari mana yang paling kemudian bagi penghantaran secara elektronik atau hari pemberitahuan berasingan telah diterima oleh Anda berkenaan penghantaran secara elektronik melalui sebarang cara yang berkesan seperti disediakan dalam Fasal-Fasal 26.2.1, 26.2.2, 26.2.3 atau 26.2.4 masing-masing, seperti ditentukan Kami dari semasa ke semasa
- 26.3 Dengan syarat seperti yang dinyatakan dalam Fasal-fasal 26.1 dan 26.2 di atas, dalam hal apabila sebarang notis, permintaan, arahan atau surat-menyurat dikembalikan semula selepas Kami telah membuat sekurang-kurangnya dua (2) percubaan berturut-turut untuk menyerahkannya kepada Anda, Kami boleh menahan semua notis, permintaan, arahan atau surat-menyurat seterusnya, atas risiko Anda sendiri, sehingga Kami telah diberitahu oleh Anda mengenai alamat surat-menyurat atau alamat e-mel atau nombor telefon bimbit baru Anda.

27. UNDANG-UNDANG YANG MENGAWAL

- 27.1 Sijil ini akan dikawal oleh undang-undang Malaysia dan mahkamah Malaysia akan mempunyai bidang kuasa eksklusif untuk sebarang pertikaian yang timbul daripada atau berkaitan dengan Sijil ini.
- 27.2 Kami berhak meminda terma dan syarat Sijil ini pada bila-bila masa dengan mematuhi sebarang perubahan perundangan, pengubahsuaian atau pindaan berkanun yang digubal dari semasa ke semasa, dengan memberi notis bertulis terlebih dahulu kepada Anda menurut Fasal 'Notis dan Surat-Menyurat'.

28. HAD PENETAPAN DAN PENGECUALIAN

Kami berhak untuk tidak:

- 28.1 memberikan perlindungan Takaful, termasuk semua manfaat yang berkaitan dengan atau berkaitan dengan perlindungan Takaful tersebut ataupun dianggap sebagai menyediakan perlindungan Takaful tersebut (dan jika pembayaran telah dibuat oleh anda di bawah Sijil, pembayaran tersebut tidak akan dianggap diterima dan diterima oleh kami); atau
- 28.2 diwajibkan untuk membayar sebarang jumlah, termasuk namun tidak terhad kepada pembayaran tuntutan, pengembalian caruman, penyerahan atau pembatalan pembayaran; sekiranya memberikan perlindungan Takaful atau pembayaran jumlah tersebut akan mendedahkan

Kami kepada sebarang penetapan, larangan, sekatan atau pelanggaran sebarang undang-undang dan/ atau peraturan yang ditadbir mana-mana kerajaan atau pihak berkuasa yang mengawal selia dan berkeelayakan atau sebarang penguatkuasaan undang-undang dalam mana-mana negara.

****MUKA SURAT TAMAT****

SAMPLE

Great Eastern Takaful Berhad

ENDORSMEN PENAMAAN (BENIFISIARI)

ENDORSMEN NO. TE063 (NOMTRU A)

Bagi tujuan Endorsmen ini, perkataan atau ungkapan berikut, jika dinyatakan dalam Endorsmen ini, akan mempunyai maksud yang sama seperti dinyatakan dalam Sijil ini

Manfaat Takaful akan diagihkan mengikut benifisiari yang dinamakan dibawah mengikut bahagian-bahagian yang dinyatakan sebagai Hibah (dibawah Hibah bersyarat). Setelah pemindahan pemilikan manfaat Takaful kepada benifisiari masing-masing, manfaat Takaful yang dipindahkan tersebut tidak menjadi sebahagian daripada harta pusaka bagi Orang yang Dilindungi yang telah meninggal dunia atau tertakluk kepada hutangnya.

Di atas permintaan, dengan mengisi Borang Perkhidmatan Badal Haji atau jika Aneksur AHIJ atau AL08 atau mana-mana Aneksur yang berkaitan dilampirkan kepada Sijil ini, organisasi yang ditentukan oleh Pengendali Takaful akan dinamakan sebagai penama untuk Manfaat Badal Haji. Sekiranya organisasi yang dilantik tidak dapat menyediakan Perkhidmatan Badal Haji, benifisiari di bawah Sijil ini akan menerima jumlah yang diperuntukkan untuk menunaikan Haji melalui Perkhidmatan Badal Haji bagi pihak Orang yang Dilindungi.

Penama Badal Haji bertanggungjawab untuk memastikan wang tersebut digunakan untuk menunaikan Haji bagi pihak Orang yang Dilindungi. Manfaat ini terpakai sekiranya jumlah manfaat Takaful yang dibayar adalah mencukupi bagi menanggung pembayaran yuran sebenar yang dikenakan bagi Perkhidmatan Badal Haji.

Namun, sekiranya jumlah manfaat Takaful yang dibayar adalah kurang daripada yuran sebenar yang dikenakan bagi Perkhidmatan Badal Haji, manfaat Takaful akan dibayar kepada benifisiari dan/atau wasi di bawah Sijil ini, atau pihak menuntut wajar mengikut mana yang berkenaan, dan Perkhidmatan Badal Haji akan dimansuhkan.

Bermula dari Tarikh Berkuat Kuasa bagi Sijil ini, mana yang digunapakai, orang yang berikut adalah dilantik sebagai benifisiari dan/atau wasi di bawah Sijil ini:

BENIFISIARI	HUBUNGAN	NO.KP	BAHAGIAN
(A) MISS YUSRA	KAKAK/ADIK PEREMPUAN	101220-04-1290	100%

Great Eastern Takaful Berhad

ENDORSMEN PENAMAAN (WASI)

ENDORSMEN NO. TE063 (NOMTRU A)

Bagi tujuan Endorsmen ini, perkataan atau ungkapan berikut, jika dinyatakan dalam Endorsmen ini, akan mempunyai maksud yang sama seperti dinyatakan dalam Sijil ini

Di atas permintaan, dengan mengisi borang Pelantikan Sebagai Wasi, wasi yang dinamakan hendaklah melaksanakan dan membahagikan manfaat Takaful dengan sewajarnya:

- (i) Wasi hendaklah mengagihkan manfaat Takaful kepada benefisiari yang dinamakan mengikut bahagian yang dinyatakan sebagai Hibah (dibawah Hibah bersyarat).
- (ii) Wasi hendaklah mengagihkan manfaat Takaful mengikut Akta Pembahagian, sekiranya tiada benefisiari dinamakan.
- (iii) Jika Orang yang Dilindungi telah mengisi Borang Perkhidmatan Badal Haji atau jika Aneksur AHJ atau AL08 atau mana-mana Aneksur yang berkaitan dilampirkan kepada Sijil ini, organisasi yang ditentukan oleh Pengendali Takaful akan dinamakan sebagai penama untuk Manfaat Badal Haji. Sekiranya organisasi yang dilantik tidak dapat menyediakan Perkhidmatan Badal Haji, Wasi di bawah Sijil ini akan menerima jumlah yang diperuntukkan untuk menunaikan Haji melalui Perkhidmatan Badal Haji bagi pihak Orang yang Dilindungi dan ditugaskan untuk memastikan wang tersebut digunakan untuk menunaikan Haji bagi pihak Orang yang Dilindungi.

Manfaat ini terpakai sekiranya jumlah manfaat Takaful yang dibayar adalah mencukupi bagi menanggung pembayaran yuran sebenar yang dikenakan bagi Perkhidmatan Badal Haji.

Namun, sekiranya jumlah manfaat Takaful yang dibayar adalah kurang daripada yuran sebenar yang dikenakan bagi Perkhidmatan Badal Haji, manfaat Takaful akan dibayar kepada benefisiari dan/atau wasi di bawah Sijil ini, atau pihak menuntut wajar mengikut mana yang berkenaan, dan Perkhidmatan Badal Haji akan dimansuhkan.

Bermula dari Tarikh Berkuat Kuasa bagi Sijil ini, mana yang digunapakai, orang atau organisasi yang berikut adalah dilantik sebagai wasi di bawah Sijil ini:

WASI	NO. KP/ NO. PENDAFTARAN
------	-------------------------

Great Eastern Takaful Berhad

ENDORSMEN DEFINISI PENYAKIT KRITIKAL (DEWASA)

ENDORSMEN NO. TE017 (CIDEFN)

1. DEFINISI

Bagi tujuan Endorsmen ini, perkataan atau ungkapan berikut, jika dinyatakan dalam Endorsmen ini, akan mempunyai maksud berikut. Sebarang perkataan atau ungkapan yang tidak didefinisikan secara spesifik dalam Endorsmen ini akan mempunyai maksud yang sama seperti dinyatakan dalam Sijil ini:-

“Aktiviti Kehidupan Harian” adalah seperti berikut:

- (a) Pemindahan
Duduk dan bangun dari kerusi tanpa memerlukan bantuan fizikal.
- (b) Pergerakan
Keupayaan untuk bergerak dari satu bilik ke bilik yang lain tanpa memerlukan bantuan fizikal.
- (c) Perihal Mengawal
Keupayaan untuk mengawal fungsi usus dan pundi kencing secara sendirinya seperti menjaga kebersihan diri.
- (d) Pemakaian
Memakai dan menanggalkan kesemua pakaian yang perlu tanpa memerlukan bantuan orang lain.
- (e) Mandi/Membersihkan diri
Keupayaan untuk membersihkan diri di tempat mandi tab atau mandi pancuran (termasuk memasuki dan keluar dari tempat mandi tab atau mandi pancuran) atau membersihkan diri dengan cara yang lain.
- (f) Makan
Kesemua tugas memasukkan makanan ke dalam badan makanan telah disediakan.

“Kejadian yang Dilindungi Kategori I” bermaksud kejadian yang dinamakan sebagai Serangan Jantung, Pembedahan Pintasan Arteri Koronari, Kanser, Angioplasti dan Rawatan Pembedahan Lain untuk Penyakit Arteri Koronari Utama, Penyakit Arteri Koronari Lain yang Serius seperti yang dinyatakan dan didefinisikan dalam Seksyen 2 bagi Endorsement ini.

“Kejadian yang Dilindungi Kategori II” bermaksud kejadian yang dinyatakan dan didefinisikan dalam Seksyen 2 di bawah selain daripada kejadian yang diklasifikasikan di bawah Kejadian yang Dilindungi Kategori I.

“Sijil” bermaksud sijil asas yang mana Endorsmen ini dilampirkan.

“Kejadian yang Dilindungi” bermaksud sebarang kejadian yang dinyatakan dan didefinisikan dalam Seksyen 2 bagi Endorsement ini.

“Diagnosis” bermaksud diagnosis sahih yang dibuat oleh Pengamal Perubatan atau Pakar Perunding Neurologi, berdasarkan bukti tertentu, yang merujuk kepada DEFINISI Kejadian yang Dilindungi tertentu yang terlibat atau, jika ketiadaan bukti tertentu itu, berdasarkan bukti radiologi, klinikal, histologi atau makmal yang diterima oleh Kami.

Diagnosis sedemikian mestilah disokong oleh Pengamal Perubatan yang dilantik oleh Kami yang akan memberi pendapatnya berdasarkan bukti perubatan yang diserahkan oleh orang yang menuntut dan/atau sebarang bukti tambahan yang mungkin diperlukan olehnya.

“Tidak Boleh Pulih” bermaksud tidak boleh dipulihkan dengan sewajarnya oleh rawatan perubatan dan/atau prosedur pembedahan yang konsisten dengan piawaian semasa perkhidmatan perubatan yang boleh didapati di Malaysia.

“Pengamal Perubatan” bermaksud seorang pakar bedah atau pakar perubatan yang mempunyai kelayakan ijazah dalam perubatan barat, mempunyai lesen sah di sisi undang-undang dan berkelayakan dengan sepatutnya untuk mengamalkan perubatan dan pembedahan yang dibenarkan dalam kawasan geografi amalannya, dan juga mempunyai Sijil Amalan Tahunan semasa yang dikeluarkan oleh Majlis Perubatan Malaysia.

“Kekal” bermaksud dijangka untuk kekal seumur hidup Peserta/Orang Yang Dilindungi.

“Defisit Neurologi Kekal dengan Simptom Klinikal Berterusan” bermaksud symptom disfungsi dalam sistem saraf yang didapati semasa pemeriksaan klinikal dan dijangka kekal seumur hidup Peserta/Orang Yang Dilindungi. Simptom-simptom yang dilindungi termasuk kebas, lumpuh, kelemahan setempat, dysarthria (kesukaran bertutur), aphasia (ketidakupayaan bertutur), dysphagia (kesukaran menelan), kecacatan visual, kesukaran berjalan, kekurangan koordinasi, tremor, sawan, demensia, delirium dan koma.

2. DEFINISI KEJADIAN YANG DILINDUNGI

- (1) “Penyakit Alzheimer / Demensia Teruk” : Kemerosotan atau hilang keupayaan intelektual yang disahkan dengan penilaian klinikal dan ujian imej diakibatkan oleh Penyakit Alzheimer atau Dementia Teruk yang disebabkan oleh kecelaruan otak organik yang tidak boleh pulih. Kejadian yang Dilindungi ini mesti mengakibatkan pengurangan ketara fungsi mental dan sosial yang memerlukan pengawasan berterusan ke atas Peserta/Orang yang Dilindungi. Diagnosis mesti disahkan secara klinikal oleh pakar neurologi.

Berdasarkan definisi di atas, berikut adalah tidak dilindungi:

- (i) kecelaruan otak bukan organik seperti neurosis;
- (ii) penyakit psikiatrik; dan
- (iii) kerosakan otak berkaitan dadah atau alkohol.

- (2) “Angioplasti dan rawatan invasif lain untuk penyakit arteri koronari” : Menjalani Angioplasti Belon Arteri Koronari, arterektomi, rawatan laser atau memasukkan sten buat pertama kali untuk membetulkan satu atau lebih arteri koronari yang sempit atau tersumbat seperti yang dibuktikan oleh angiografi.

Prosedur penyiasatan intra-arteri adalah tidak dilindungi. Pembayaran di bawah klausa ini adalah terhad kepada sepuluh peratus (10%) daripada perlindungan Penyakit Kritikal di bawah Sijil ini tertakluk kepada jumlah maksimum RM25,000. Kejadian yang Dilindungi akan dibayar sekali sahaja dan akan ditolak daripada amaun Sijil ini, sekali gus mengurangkan amaun Jumlah Manfaat yang boleh dibayar.

- (3) “Sindrom Apalik (iaitu Keadaan Vegetatif Berterusan)” : Nekrosis menyeluruh korteks otak dengan pangkal otak tidak terjejas. Diagnosis ini mestilah disahkan pakar perunding neurologi dan berdasarkan temu janji yang dilakukan di hospital yang dibenarkan. Keadaan ini mestilah didokumenkan dari segi perubatan sekurang-kurangnya satu (1) bulan.

- (4) “Meningitis Bakteria – Mengakibatkan Ketidakupayaan Kekal untuk Melakukan Aktiviti Kehidupan Harian” : Meningitis bakteria yang menyebabkan radang pada membran-membran otak atau saraf tunjang yang mengakibatkan kerosakan fungsi kekal. Kerosakan fungsi kekal mesti menyebabkan ketidakupayaan kekal untuk menjalankan sekurang-kurangnya tiga (3) daripada Aktiviti Kehidupan Harian. Tempoh Penilaian minimum selama tiga puluh (30) hari adalah diguna pakai.

Diagnosis hendaklah disahkan oleh:

- (i) seorang doktor pakar yang bersesuaian; dan
- (ii) kehadiran jangkitan kuman (bakteria) di dalam cecair serebrospina oleh punktur lumbar.

Untuk definisi di atas, lain-lain bentuk meningitis, termasuk meningitis viral adalah tidak dilindungi.

- (5) "Tumor Otak Benign – Keterukan Tertentu" : Tumor benign dalam otak atau meninges dalam tengkorak, di mana semua keadaan berikut dipenuhi:
- (i) ia mengancam nyawa;
 - (ii) ia menyebabkan kerosakan otak;
 - (iii) ia telah dibuang secara pembedahan ataupun ia telah menyebabkan defisit neurologi yang kekal dengan simptom klinikal berterusan; dan
 - (iv) kewujudannya mesti disahkan oleh pakar neurologi atau pakar bedah neurologi dan disokong oleh imbasan MRI, CT atau teknik-teknik pengimejan lain yang boleh dipercayai.
- Berikut adalah tidak dilindungi:
- (i) sista;
 - (ii) granuloma;
 - (iii) kecacatan dalam atau pada arteri atau vena otak;
 - (iv) hematoma
 - (v) tumor di dalam kelenjar pituitary;
 - (vi) tumor di dalam tulang belakang; dan
 - (vii) tumor saraf akustik.
- (6) "Buta – Kekal dan Tidak Boleh Pulih" : Kehilangan penglihatan kekal dan tidak boleh pulih akibat kemalangan atau penyakit sehingga suatu tahap apabila diuji menggunakan alat bantuan penglihatan, penglihatan diukur pada 3/60 atau lebih teruk untuk kedua-dua belah mata menggunakan carta mata Snellen atau ujian yang setara dan keputusan tersebut mestilah disahkan oleh pakar oftalmologi.
- (7) "Pembedahan Otak" : Menjalani pembedahan ke atas otak di mana kraniotomi (pembedahan bukaan tengkorak) dilakukan di bawah anestesia am.

Untuk definisi di atas, berikut adalah tidak dilindungi:

- (i) prosedur lubang gerudi (burr hole);
 - (ii) prosedur transfenoid;
 - (iii) prosedur bantuan endoskopik atau lain-lain prosedur invasif secara minimum; dan
 - (iv) pembedahan otak akibat kemalangan.
- (8) "Kanser – Keterukan Tertentu dan Tidak Melindungi Kanser Tahap Awal" : Sebarang tumor malignan yang didiagnos positif dengan pengesahan histologi dan bercirikan pertumbuhan sel malignan yang tidak terkawal dan serangan tisu. Terma tumor malignan termasuk leukimia, limfoma dan sarcoma.
- Untuk definisi di atas, berikut adalah tidak dilindungi:
- (i) semua kanser yang secara histologinya diklasifikasikan sebagai berikut:
 - (a) pra-malignan;
 - (b) bukan invasive;
 - (c) karsinoma in situ;
 - (d) mempunyai malignan pinggir (borderline);
 - (e) mempunyai potensi malignan;
 - (ii) semua tumor prostat yang secara histologinya diklasifikasikan sebagai T1N0M0 (Klasifikasi TNM);
 - (iii) semua tumor tiroid yang secara histologinya diklasifikasikan sebagai T1N0M0 (Klasifikasi TNM);
 - (iv) semua tumor pundi kencing yang secara histologinya diklasifikasikan sebagai T1N0M0 (Klasifikasi TNM);
 - (v) leukemia Limfositik Kronik kurang daripada RAI Tahap 3;
 - (vi) semua kanser dengan kewujudan HIV; dan
 - (vii) sebarang kanser kulit selain melanoma malignan.

- (9) “Kardiomiopati – Keterukan Tertentu”
- Diagnosis muktamad kardiomiopati oleh pakar kardiologi yang menyebabkan kerosakan fungsi ventrikel kekal dan menyebabkan kerosakan fizikal kekal pada sekurang-kurangnya klasifikasi kelas III NYHA mengenai kerosakan jantung. Diagnosis hendaklah disokong oleh hasil penemuan ekokardiografik untuk prestasi ventrikel yang dikompromi.
- Kardiomiopati yang berkait langsung dengan penyalahgunaan alkohol atau dadah adalah tidak dilindungi.
- Klasifikasi NYHA bagi Kerosakan Jantung untuk Kelas III dan Kelas IV bermaksud seperti berikut:
Kelas III: Aktiviti fizikal yang terhad. Selesa ketika rehat, tetapi aktiviti yang kurang daripada kebiasaan akan menyebabkan simptom-simptom.
Kelas IV: Tidak boleh terlibat dalam apa jua aktiviti fizikal tanpa merasa tidak selesa. Simptom-simptom mungkin muncul walaupun ketika rehat.
- (10) “Anemia Aplastik Kronik – Mengakibatkan Kegagalan Kekal Sumsum Tulang”
- : Kegagalan kekal dan tidak boleh pulih sumsum tulang yang menyebabkan anemia, neutropenia dan trombositopenia memerlukan sekurang-kurangnya dua (2) daripada rawatan berikut:
(i) transfusi produk darah berkala;
(ii) agen perangsang sumsum;
(iii) agen immunosupresif; atau
(iv) transplan sumsum tulang.
- Diagnosis mesti disahkan oleh biopsi sumsum tulang.
- (11) “Keradangan Pankreas Berulang dan Kronik”
- : Lebih daripada tiga (3) serangan radang pankreas yang mengakibatkan ketidakfungsian pankreas kekal yang menyebabkan serapan nutrien tidak sempurna sehingga memerlukan terapi penggantian enzim.
- Diagnosis mestilah dibuat oleh seorang pakar perunding gastroenterologi dan disahkan dengan Kolangiopankreatografi Retrograd Endoskopik (ERCP).
- Keradangan Pankreas Berulang dan Kronik disebabkan pengambilan alkohol atau dadah adalah dikecualikan.
- (12) “Koma – Mengakibatkan Defisit Neurologi Kekal dengan Simptom Klinikal yang Berterusan”
- : Keadaan tidak sedar diri tanpa sebarang gerak balas atau tindak balas terhadap rangsangan luar atau keperluan dalaman, yang berterusan untuk sekurang-kurangnya sembilan puluh enam (96) jam, memerlukan penggunaan sistem sokongan hayat dan mengakibatkan defisit neurologi kekal dengan simptom klinikal berterusan. Tempoh Penilaian minimum selama tiga puluh (30) hari adalah diguna pakai. Pengesahan oleh pakar neurologi mesti dikemukakan.
- Berikut adalah tidak dilindungi:
Koma diakibatkan langsung daripada penyalahgunaan alkohol atau dadah.
- (13) “Pembedahan Pintasan Arteri Koronari”
- : Merujuk kepada pembedahan bukaan dada sebenar untuk memulihkan atau merawat Penyakit Arteri Koronari (CAD) dengan cara cantuman pintasan arteri koronari.
- Untuk definisi di atas, berikut adalah tidak dilindungi:
(i) angioplasti;
(ii) teknik intra-arteri yang lain atau teknik berasaskan kateter;
(iii) prosedur lubang kunci (keyhole); dan
(iv) prosedur laser.
- (14) “Penyakit Creutzfeldt-Jakob”
- : Penyakit Creutzfeldt-Jakob atau varian Penyakit Creutzfeldt-Jakob berlaku apabila terdapat defisit berkaitan neurologi, menyebabkan Peserta/Orang

- (Penyakit Lembu Gila) yang Dilindungi hilang upaya kekal untuk melakukan sekurang-kurangnya tiga (3) daripada Kegiatan Kehidupan Harian yang disenaraikan. Keadaan ini mestilah didokumenkan dari segi perubahan sekurang-kurangnya enam (6) bulan dan disahkan pakar perunding neurologi dengan ujian bersesuaian seperti keputusan Elektroensefalografi (EEG) dan Saringan Cecair Serebrospina (CSF) yang muktamad serta imbasan Tomografi Berkomputer (CT) dan Pengimejan Resonan Magnet (MRI).
- “Sakit” disebabkan rawatan hormon tumbesaran manusia adalah dikecualikan.
- (15) “Pekak – Kekal dan Tidak Boleh Pulih” : Hilang Upaya mendengar secara kekal dan tidak boleh pulih akibat kemalangan atau penyakit sehingga suatu tahap kehilangan yang lebih daripada 80 desibel merentasi semua frekuensi pendengaran pada kedua-dua belah telinga. Bukti perubahan di dalam bentuk keputusan ujian audiometri dan ujian ambang bunyi mesti disediakan dan disahkan oleh pakar Telinga, Hidung dan Tekak (ENT).
- (16) “Demam Hemoragik Ebola” : Jangkitan Ebola virus yang menyebabkan demam dan pendarahan dalaman atau luaran.
- Semua kriteria berikut mesti dipenuhi:
- (i) Kehadiran virus Ebola telah disahkan melalui ujian makmal;
 - (ii) Pendarahan mukosa atau gastrointestinal telah berlaku; dan
 - (iii) Diagnosis Demam Hemoragik Ebola mesti disahkan oleh pakar penyakit berjangkit.
- (17) “Elefantiasis (Penyakit Untut)” Elefantiasis diakibatkan dan komplikasi daripada filariasis, dicirikan dengan pembengkakan besar pada tisu dalam badan disebabkan gangguan kekal peredaran dalam salur limfa, menyebabkan Peserta/Orang yang Dilindungi hilang upaya kekal untuk melakukan sekurang-kurangnya tiga (3) daripada Kegiatan Kehidupan Harian yang disenaraikan.
- “Diagnosis” Elefantiasis yang jelas mestilah disahkan secara klinikal oleh seorang “Pakar” untuk penyakit berjangkit atau “Pakar” dalam bidang yang relevan, termasuklah pengesahan makmal bagi mikrofilaria.
- Limfoedema disebabkan jangkitan daripada penyakit melalui hubungan seks, trauma, parut selepas pembedahan, kegagalan jantung kongestif atau keabnormalan sistem limfa kongenital adalah dikecualikan.
- (18) “Ensefalitis – Mengakibatkan Ketidakupayaan Kekal untuk Melakukan Aktiviti Kehidupan Harian” : Keradangan teruk bahan otak, mengakibatkan kecacatan fungsian kekal. Kecacatan fungsian kekal mesti mengakibatkan ketidakupayaan untuk melakukan sekurang-kurangnya tiga (3) Aktiviti Kehidupan Harian. Tempoh Penilaian minimum selama tiga puluh (30) hari adalah diguna pakai. Kejadian yang Dilindungi mestilah disahkan oleh pakar neurologi.
- Ensefalitis dengan kewujudan jangkitan HIV adalah tidak dilindungi.
- (19) “Kegagalan Hati Tahap Akhir” : Kegagalan hati tahap akhir dibuktikan oleh semua yang berikut:
- (i) jaundis kekal;
 - (ii) asites (lebih cecair dalam kaviti peritoneal); dan
 - (iii) ensefalopati hepatic.
- Kegagalan hati berpunca dari alkohol atau penyalahgunaan dadah adalah tidak dilindungi.
- (20) “Penyakit Paru-Paru Tahap Akhir” : Penyakit paru-paru tahap akhir yang menyebabkan kegagalan pernafasan kronik. Semua kriteria berikut mestilah dipenuhi:

- (i) keperluan rawatan oksigen berkala secara kekal;
- (ii) gangguan kekal pada fungsi paru-paru dengan Isi padu Ekspirasi Paksa (FEV) yang konsisten kurang daripada satu (1) liter pada saat pertama;
- (iii) sesak nafas dalam keadaan rehat; dan
- (iv) analisis Asas Gas Darah Arteri dengan tekanan oksigen separa sebanyak 55mmHg atau kurang.
- (21) “AIDS Dengan Gejala Penuh” : Manifestasi klinikal bagi AIDS (Sindrom Kurang Daya Tahan Melawan Penyakit) mesti disokong oleh keputusan positif ujian antibodi HIV (Virus Kurang Daya Tahan Manusia) dan satu ujian pengesahan. Sebagai tambahan, Peserta/Orang yang Dilindungi perlu mempunyai kiraan sel CD4 kurang daripada dua ratus (200)/ μ L dan memenuhi satu (1) atau lebih kriteria berikut:
- (i) kehilangan lebih daripada 10% daripada berat badan dalam tempoh enam (6) bulan atau kurang (sindrom susut badan);
- (ii) Sarkoma Kaposi;
- (iii) Radang Paru-Paru Pneumocystis Carinii;
- (iv) leukoensefalopati multifokal progresif;
- (v) Tuberkulosis (batuk kering) aktif;
- (vi) Kurang daripada seribu (1,000) Limfosit/ μ L; atau
- (vii) Limfoma Malignan.
- (22) “Hepatitis Viral Fulminan” : Nekrosis (kematian tisu hati) yang separa besar (sub-masif) kepada besar (masif) yang disebabkan oleh sebarang virus seperti yang dibuktikan oleh semua kriteria diagnostik yang berikut:
- (i) penyusutan saiz hati dengan pantas seperti yang disahkan oleh ultrasound abdomen;
- (ii) nekrosis (kematian tisu) melibatkan keseluruhan lobula, meninggalkan hanya satu rangka retikulum;
- (iii) ujian kefungsi hati yang semakin merosot; dan
- (iv) jaundis yang semakin mendalam.
- Jangkitan viral hepatitis atau status pembawa sahaja (termasuk tetapi tidak terhad kepada Hepatitis B dan Hepatitis C) tanpa kriteria diagnostik di atas adalah tidak dilindungi.
- (23) “Serangan Jantung – Keterukan Tertentu” : Kematian otot jantung, disebabkan oleh kekurangan bekalan darah yang telah menyebabkan infarksi miokardium akut dengan semua bukti berikut:
- (i) sejarah sakit dada tipikal;
- (ii) perubahan ciri baru elektrokardiografik; dengan pembentukan salah satu daripada yang berikut: peningkatan atau penurunan ST, penyonsangan (inversi) gelombang T, patologi gelombang Q atau blok cabang berkas kiri; dan
- (iii) peningkatan petunjuk kardiak, termasuk CPK-MB melebihi tahap normal makmal yang diterima secara umum atau Troponin yang direkodkan berada di peringkat berikut atau lebih tinggi:
- (a) Troponin T Kardiak atau Troponin I Kardiak $> / = 0.5$ ng/ml.
- Bukti mesti menunjukkan kejadian infarksi miokardium akut adalah pasti, yang mana seharusnya disahkan oleh pakar kardiologi atau pakar perubatan.
- Untuk definisi di atas, berikut adalah tidak dilindungi:
- kejadian sindrom koronari akut termasuk tetapi tidak terhad kepada angina tidak stabil; dan
 - peningkatan petunjuk kardiak akibat daripada prosedur perkutaneus untuk penyakit arteri koronari
- (24) “Pembedahan Injap” : Menjalani pembedahan jantung terbuka untuk menggantikan atau memperbaiki

- Jantung” : injap jantung disebabkan oleh kecacatan atau keabnormalan injap jantung.
- Untuk definisi di atas, berikut adalah tidak dilindungi:
 (i) pembaikan menerusi prosedur intra-arteri; dan
 (ii) pembaikan menerusi pembedahan lubang kunci atau lain-lain teknik yang serupa.
- (25) “Jangkitan HIV Melalui Transfusi Darah” : Jangkitan Virus Kurang Daya Tahan Manusia (HIV) melalui transfusi darah, dengan syarat semua keadaan berikut dipenuhi:
 (i) transfusi darah adalah keperluan dari segi perubatan atau diberi sebagai sebahagian daripada rawatan perubatan;
 (ii) transfusi darah adalah diterima di Malaysia atau Singapura selepas kuatkuasa Sijil;
 (iii) sumber jangkitan adalah didapati daripada institusi yang memberikan transfuse darah atau institusi yang boleh mengesan punca darah yang dicemari HIV;
 (iv) Peserta/Orang yang Dilindungi tidak menghidap hemofilia; dan
 (v) Peserta/Orang yang Dilindungi bukan ahli mana-mana kumpulan berisiko tinggi termasuk tetapi tidak terhad kepada pengguna dadah intravena.
- (26) “Kegagalan Buah Pinggang – Memerlukan Dialisis atau Transplan Buah Pinggang” : Kegagalan buah pinggang peringkat akhir yang dikemukakan sebagai kegagalan kronik tidak boleh pulih pada kedua-dua buah pinggang untuk berfungsi, yang mengakibatkan dialisis secara berkala dimulakan atau transplan buah pinggang perlu dijalankan.
- (27) “Kehilangan Upaya Hidup Sendiri (Berdikari)” : Pengesahan oleh pakar yang bersesuaian mengenai kehilangan upaya untuk hidup berdikari dan mengakibatkan ketidakupayaan kekal untuk melakukan sekurang-kurangnya tiga (3) daripada Aktiviti Kehidupan Harian. Tempoh Penilaian minimum selama enam (6) bulan adalah diguna pakai.
- (28) “Hilang Keupayaan Bertutur” : Hilang keupayaan bertutur sepenuhnya, berkekalan dan tidak boleh pulih disebabkan oleh kecederaan atau penyakit. Tempoh Penilaian minimum selama enam (6) bulan adalah diguna pakai. Bukti perubatan untuk mengesahkan kecederaan atau penyakit kepada peti suara untuk menyokong kehilangan upaya ini mesti diberikan oleh pakar Telinga, Hidung dan Tekak (ENT).
- Semua sebab yang berkaitan psikiatrik adalah tidak dilindungi.
- (29) “Trauma Kepala Major (Teruk) – Mengakibatkan Ketidakupayaan Kekal untuk Melakukan Aktiviti Kehidupan Harian” : Kecederaan fizikal di kepala yang mengakibatkan kerosakan kekal terhadap fungsian yang disahkan oleh pakar neurologi. Kerosakan kekal fungsian mesti menyebabkan ketidakupayaan untuk menjalankan sekurang-kurangnya tiga (3) daripada Aktiviti Kehidupan Harian. Tempoh Penilaian minimum selama tiga (3) bulan diguna pakai.
- (30) “Transplan Organ Utama/Sumsum Tulang” : Penerimaan transplan seperti berikut:
 • Sumsum tulang manusia menggunakan sel stem hematopoietik didahului dengan ablasi sumsum tulang menyeluruh; atau
 • Salah satu daripada organ-organ manusia berikut: jantung, paru-paru, hati, buah pinggang, pankreas yang tidak dapat dipulihkan akibat kegagalan tahap akhir organ yang berkenaan.
- Lain-lain pemindahan sel stem adalah tidak dilindungi.
- (31) “Penyakit Sistik” : Penyakit buah pinggang keturunan yang progresif dicirikan dengan

- Medular” kewujudan sista dalam medula, atrofi tubular dan fibrosis interstitial dengan manifestasi klinikal seperti anemia, poliuria dan kehilangan natrium dari ginjal, yang menyebabkan kegagalan ginjal kronik. Diagnosis mestilah disokong dengan biopsi ginjal.
- (32) “Tuberkulosis Meningeal” : Meningitis disebabkan oleh basil tuberkulosis, menyebabkan kecacatan neurologi kekal selama sekurang-kurangnya enam (6) bulan berturut-turut. Diagnosis perlu disahkan oleh pakar neurologi dan disokong oleh analisis cecair serebrospinal melalui punksi lumbal.
- (33) “Penyakit Neuron Motor – Defisit neurologi Kekal dengan Simptom Klinikal Berterusan” : Diagnosis muktamad penyakit neuron motor oleh pakar neurologi dengan merujuk kepada atrofi otot belakang, bulbar palsy progresif, sclerosis amiotrofik lateral atau sclerosis lateral utama. Mesti ada kekurangan neurologi kekal bersama dengan simptom klinikal berterusan.
- (34) “Sklerosis Multipel” : Diagnosis muktamad sklerosis multipel oleh pakar neurologi. Diagnosis mestilah disokong oleh semua perkara berikut:
 (i) siasatan yang mengesahkan bahawa diagnosis adalah Sklerosis Multipel;
 (ii) defisit neurologi berbilang yang menyebabkan kecacatan fungsi motor dan deria untuk tempoh yang berterusan sekurang-kurangnya enam (6) bulan; dan
 (iii) sejarah eksaserbasi dan peredaan bagi simptom-simptom yang disebut dan defisit neurologi yang didokumenkan dengan baik.
- (35) “Distrofi Otot” : Diagnosis muktamad Distrofi Otot oleh pakar neurologi dan mesti disokong oleh kesemua berikut:
 (i) penampilan klinikal kelemahan otot yang progresif;
 (ii) tiada penglibatan saraf tengah/ periferal sebagai bukti untuk kehilangan gangguan sensor; dan
 (iii) hasil penemuan ciri-ciri elektromiogram dan biopsi otot.
- Tiada manfaat akan dibayar di bawah Peristiwa Dilindungi sebelum Peserta/Orang yang Dilindungi mencapai umur 12 tahun tarikh lahir berikutnya.
- (36) “Jangkitan Virus Kurang Daya Tahan Manusia (HIV) dijangkiti melalui Pekerjaan” : Jangkitan Virus Kurang Daya Tahan Manusia (hanya jika Peserta/Orang yang Dilindungi merupakan Kakitangan Perubatan seperti takrif di bawah), yang berlaku akibat kemalangan semasa menjalankan tugas pekerjaan yang biasa, apabila penukaran serum (seroconversion) kepada jangkitan HIV berlaku dalam tempoh enam (6) bulan daripada kemalangan. Sebarang kemalangan yang mungkin menyebabkan tuntutan mestilah dilaporkan kepada Kami dalam tempoh tiga puluh (30) hari daripada kemalangan yang berlaku serta disokong dengan ujian HIV negatif yang dijalankan dalam tempoh tujuh (7) hari daripada kemalangan tersebut.
- “Kakitangan Perubatan” ditakrifkan sebagai doktor (Doktor Perubatan Am dan Pakar), pengamal perubatan tradisional, jururawat, paramedik, juruteknik makmal, doktor pergigian, jururawat pergigian, pekerja ambulans yang bekerja di pusat perubatan atau hospital atau klinik/poliklinik pergigian di Malaysia. Doktor, pengamal perubatan tradisional, jururawat dan doktor pergigian mestilah berdaftar dengan Kementerian Kesihatan Malaysia.

- (37) “Kelumpuhan Anggota” : Hilang penggunaan penuh, kekal dan tidak boleh pulih kedua-dua tangan atau kedua-dua kaki, atau satu tangan dan satu kaki, akibat lumpuh disebabkan oleh penyakit atau kecederaan. Tempoh Penilaian minimum selama enam (6) bulan adalah diguna pakai.
- (38) “Penyakit Parkinson – Mengakibatkan Ketidakupayaan Kekal untuk Melakukan Aktiviti Kehidupan Harian” : Diagnosis muktamad Penyakit Parkinson oleh pakar neurologi di mana semua keadaan berikut dipenuhi:
(i) tidak boleh dikawal dengan ubat-ubatan;
(ii) menunjukkan tanda-tanda kemerosotan progresif; dan
(iii) pengesahan ketidakupayaan kekal Peserta/Orang yang Dilindungi untuk melakukan tiga (3) atau lebih daripada Aktiviti Kehidupan Harian tanpa bantuan.

Hanya penyakit Parkinson idiopatik sahaja yang dilindungi. Parkinson yang disebabkan oleh ubat-ubatan atau toksik adalah tidak dilindungi.
- (39) “Poliomielitis” : Poliomyelitis berlaku apabila keadaan berikut dipenuhi:
• Virus polio dikenal pasti sebagai punca,
• Kelumpuhan otot anggota badan atau otot pernafasan mestilah berlaku dan berterusan sekurang-kurangnya selama tiga (3) bulan.
- (40) “Hipertensi Arteri Pulmonari Primer – Keterangan Tertentu” : Diagnosis muktamad hipertensi pulmonari primer dengan pembesaran ketara ventrikel kanan yang ditentukan menerusi penyiasatan termasuk kateter jantung, yang menyebabkan kecacatan fizikal kekal sehingga tahap sekurang-kurangnya klasifikasi Kelas III Persatuan Jantung New York (NYHA) bagi kerosakan jantung.

Hipertensi arteri pulmonari disebabkan oleh sebab-sebab lain adalah dikecualikan daripada manfaat ini.

Klasifikasi NYHA bagi Kerosakan Jantung untuk Kelas III dan Kelas IV bermaksud seperti berikut:
Kelas III: Aktiviti fizikal yang terhad. Selesa ketika rehat, tetapi aktiviti yang kurang daripada kebiasaan akan menyebabkan simptom-simptom.
Kelas IV: Tidak boleh terlibat dalam apa jua aktiviti fizikal tanpa merasa tidak selesa. Simptom-simptom mungkin muncul walaupun ketika rehat.
- (41) “Skleroderma Progresif” : Penyakit vaskular-kolagen sistemik yang menyebabkan penyebaran fibrosis dengan progresif dalam kulit, saluran darah dan organ viseral. Diagnosis ini mestilah disokong jelas dengan bukti biopsi dan serologi serta gangguan tersebut mestilah telah mencapai perkadaran sistemik yang melibatkan jantung, paru-paru atau buah pinggang.
Perkara berikut dikecualikan:
(a) Skleroderma setempat (skleroderma linear atau morfea);
(b) Eosinifili fasitis; dan
(c) Sindrom CREST.
- (42) “Penyakit Anjing Gila” (“*Rabies*”) : Jangkitan virus Rabies yang berkaitan dengan tanda dan gejala Rabies berikut, iaitu fasikulasi otot, delirium, psikosis, sawan dan afasia.

Manfaat ini tidak akan dibayar jika Orang yang Dilindungi hanya menjalani vaksinasi pascapaparan proaktif tanpa mengalami gejala yang disebutkan di atas.
- (43) “Penyakit Arteri Koronari Serius” : Penyempitan lumen bagi Arteri Koronari Kanan (RCA), Anterior Kiri Arteri Menurun (LAD) dan Arteri Sirkumfleks (tidak termasuk cabang-cabang), berlaku pada masa yang sama dengan minimum enam puluh peratus (60%) dalam setiap arteri seperti yang dibuktikan oleh arteriografi koronari

(prosedur diagnostik bukan invasif adalah tidak dilindungi). Penyempitan sebanyak enam puluh peratus (60%) atau lebih pada Stem Utama Kiri akan dianggap sebagai penyempitan Anterior Kiri Arteri Menurun (LAD) dan Areteri Sirkumfleksi. Kejadian yang Dilindungi akan dibayar tidak mengira samada sebarang bentuk pembedahan arteri koronari telah dijalankan atau tidak.

- (44) “Sindrom Eisenmenger yang Teruk” : Sindrom Eisenmenger bermaksud berlakunya shunt terbalik atau dua arah sebagai akibat daripada hipertensi pulmonari, yang disebabkan oleh gangguan jantung.

Semua kriteria berikut mesti dipenuhi:

- (i) Kehadiran kecacatan fizikal kekal yang diklasifikasi sebagai NYHA IV;
- (ii) Diagnosis Sindrom Eisenmenger dan tahap kecacatan fizikal perlu disahkan oleh pakar kardiologi.

Klasifikasi NYHA untuk gangguan jantung bagi Kelas III dan Kelas IV adalah berikut:-

- Kelas I : Tiada limitasi aktiviti fizikal. Aktiviti fizikal biasa tidak menyebabkan keletihan berlebihan, dispnea, atau sakit angina.
- Kelas II : Sedikit limitasi aktiviti fizikal. Aktiviti fizikal biasa menyebabkan simptom.
- Kelas III : Limitasi fizikal yang ketara. Selesa pada keadaan berehat tetapi aktiviti kurang daripada biasa akan menyebabkan gejala.
- Kelas IV : Tidak dapat melibatkan diri dalam sebarang aktiviti fizikal tanpa rasa ketidakselesaan. Gejala mungkin hadir walaupun dalam keadaan berehat.

- (45) “Hemofilia yang Teruk” : Orang yang Dilindungi mesti menghidap dari hemofilia teruk A (kekurangan VII) atau hemofilia B (kekurangan IX) dengan faktor VII atau faktor IX tahap aktiviti kurang dari satu peratus (1%). Diagnosis hendaklah disahkan oleh pakar hemotologi yang berkelayakan. Penyakit-koagulasi selain hemofilia A (kekurangan VII) atau hemofilia B (kekurangan IX) tidak dilindungi.

- (46) “Strok/Angin Ahmar – Mengakibatkan Defisit Neurologi Kekal dengan Simptom-Simptom Klinikal Berterusan” : Kematian tisu otak akibat bekalan darah yang tidak cukup, pendarahan dalam tengkorak atau embolisasi dari satu sumber selain dari kranium yang mengakibatkan defisit neurologi kekal dengan simptom klinikal berterusan. Diagnosis ini mesti berdasarkan kepada perubahan yang boleh dilihat pada imbasan CT atau MRI dan disahkan oleh seorang pakar neurologi. Tempoh Penilaian minimum selama tiga (3) bulan adalah diguna pakai.

Untuk definisi di atas, berikut adalah tidak dilindungi:

- (i) serangan iskemia sementara (TIA);
- (ii) simptom-simptom serebral yang disebabkan oleh migraine;
- (iii) kecederaan traumatik pada tisu otak atau salur-salur darah; dan
- (iv) penyakit vaskular yang memberi kesan terhadap mata atau saraf optik atau fungsi- fungsi vestibular.

- (47) "Pembedahan Aorta" : Menjalani pembedahan menerusi torakotomi atau laparotomi (pembedahan bukaan dada atau abdomen) untuk membetulkan aneurisme aorta, sekatan aorta atau pembelahan aorta. Untuk definisi ini, aorta hendaklah bermaksud aorta di bahagian dada dan abdomen tetapi bukan cabangnya.

Untuk definisi di atas, berikut adalah tidak dilindungi:

- (i) angioplasti;
- (ii) lain-lain kaedah intra-arteri atau teknik berasaskan kateter;
- (iii) prosedur lubang kunci yang lain; dan
- (iv) prosedur laser.

- (48) "Lupus Eritematosus Sistemik Dengan Komplikasi Buah Pinggang yang Teruk" : Diagnosis muktamad Lupus Eritematosus Sistemik yang disahkan oleh pakar reumatologi.

Untuk definisi ini, Kejadian yang Dilindungi akan dibayar jika ia mengakibatkan Lupus Nefritis Jenis III hingga Jenis V, yang dibuktikan oleh biopsi ginjal. Bentuk lain seperti lupus diskoid, atau jenis lain dengan hematologi atau penglibatan sendi sahaja adalah tidak dilindungi.

Klasifikasi Lupus oleh WHO:

Jenis III: Glomerulonefritis Segmen Fokus

Jenis IV: Glomerulonefritis Resap

Jenis V: Glomerulonefritis bermembran

- (49) "Penyakit Terminal (Membawa Maut)" : Diagnosis muktamad suatu keadaan yang dijangka akan mengakibatkan kematian Peserta/Orang yang Dilindungi dalam tempoh dua belas (12) bulan. Peserta/Orang yang Dilindungi mestilah tidak lagi menerima rawatan aktif selain daripada penahan sakit. Diagnosis mestilah disokong dengan pengesahan bertulis daripada pakar yang bersesuaian dan disahkan doktor yang dilantik oleh Kami.

- (50) "Kelecuran Tahap Ketiga – Keterukan Tertentu" : Lecuran kulit tahap ketiga (iaitu ketebalan penuh) meliputi sekurang-kurangnya dua puluh peratus (20%) daripada jumlah kawasan permukaan badan.

3. PENAMATAN

Endorsmen ini akan dibatalkan pada tarikh yang berikut yang mana dahulu:

- 3.1 bila Sijil ini diserahkan; atau
- 3.2 bila Sijil ini luput, menjadi batal atau ditamatkan dalam sebarang bentuk yang lain, yang mana berlaku dahulu.

****MUKA SURAT TAMAT****

Great Eastern Takaful Berhad

ENDORSMEN

ENDORSMEN NO.TE029 (T GST)

Endorsmen ini adalah sebahagian daripada Sijil.

1. CUKAI BARANG DAN PERKHIDMATAN

- 1.1 Dalam Fasal ini:
 - 1.1.1 "CBP" bermaksud cukai barang dan perkhidmatan.
 - 1.1.2 "Akta CBP" bermaksud Akta Cukai Barang dan Perkhidmatan 2014 serta termasuk sebarang undang-undang kecil, surat cara, perintah, peraturan dan pengawalan yang dibuat di bawahnya.
 - 1.1.3 Melainkan ditakrifkan di sini, istilah yang digunakan dalam endorsmen ini akan mempunyai maksud yang sama seperti yang ditakrifkan dalam Akta CBP.
- 1.2 Fasal ini hanya digunakan selepas pelaksanaan Akta CBP di Malaysia yang mungkin akan disemak semula oleh Pengendali Takaful dari semasa ke semasa sebagai mematuhi Akta CBP semasa, pada masa yang material.
- 1.3 Melainkan dinyatakan dengan jelas di dalam Sijil ini, caruman atau caruman tambahan atau jumlah lain yang perlu dibayar atau balasan yang perlu diberi daripada pihak Anda di bawah atau berhubung dengan Sijil ini adalah tidak termasuk dengan CBP ("balasan tidak termasuk CBP").
- 1.4 Jika Sijil ini merupakan pembekalan boleh dicukai yang boleh dikenakan caj di bawah Akta CBP, Anda hendaklah membayar Pengendali Takaful CBP yang perlu dibayar bagi pembekalan tersebut pada kadar CBP semasa. Kewajipan ini meliputi tanggungjawab Anda di bawah Sijil ini (termasuk sebarang rider, manfaat tambahan, penguatkuasaan semula atau variasi yang dibuat di bawah Sijil ini), serta termasuk caruman, caruman tambahan, jumlah lain yang perlu dibayar atau balasan bagi sebarang pembekalan boleh dicukai yang lain.
- 1.5 Jika suatu penyelarasan dibuat berhubung dengan sebarang pembekalan boleh dicukai atau dianggap telah dibuat di bawah atau berhubung dengan Sijil ini, jumlah CBP yang perlu dibayar bagi pembekalan boleh dicukai tersebut akan dikira semula bagi menunjukkan penyelarasan dan pembayaran bagi sebarang perbezaan tersebut akan dibuat oleh Anda kepada Pengendali Takaful atau daripada Pengendali Takaful kepada Anda, mengikut kes yang berkenaan.
- 1.6 Jika satu pihak mesti membayar balik suatu kos atau perbelanjaan bagi pihak yang satu lagi, jumlah yang dibayar balik akan dikira sebagai jumlah bersih bagi sebarang kredit cukai input CBP daripada pembayaran balik yang layak diminta daripada pihak yang memohon pembayaran balik ke atas kos atau perbelanjaan yang ditanggung, berdasarkan bahawa pembayaran balik adalah tertakluk kepada CBP.

****MUKA SURAT TAMAT****

Muka surat ini sengaja ditinggalkan kosong.

SAMPLE